

საქართველოს



იმისთანა ქმინდა საცემში,
ბოგბოგ ბეჭდუდი სიფყვას,
ფეხილებით და ჭბობით ბუდთის
გაფანა ყველა უკადრისდაზგ
უსამაგლესია.



 **დაარსებულია**
1918 წელს.



სუთხაბათი, 7 ნოემბერი, 2013 წელი.

№214 (7342)

რესპუბლიკა

ელექტრონული ფოსტა: sakresp@mail.ru და sakresp@wanex.ge

ვებ გვერდი: www.open.ge


ფასი 50 თეთრი.

ნაპიდა,

ჰეე!

③

თხას უთხრას,
მგელი
მოგკვდარა!



„სწრაფი
აღმინის-
ბრატორი“
თევზაძე,
„ერთ-ერთი
ღირეშტორი“
კლასნიკ და...

დღის ამფრაზურიდან



მეტროში გაგონილი

— ხვალინდელი პრემიერი გვარით კია ღარიბაშვილი, მაგ-
რამ, იმედია, გაგვამდიდრებს!..
— ჯაყოს შემოუთვლია სააკაშვილისთვის, სანამ მე მახსე-
ნებდე, ეგ მყრალი პირი გამოირეცხვო!..
— ივანიშვილი იმიტომ მიდის, რომ სააკაშვილები ალა-
რასოდეს აღარ მოვიდნენ!..

სოფლიდან გადახვენილებს
უკან დაბრუნების ⑤
სურვილი გაუჩნდათ

რა ასაკში უნდა შევიდეს
ბავშვი სკოლაში? ⑥

სასობებით
გადატვირთულ
თბილისს 12 მეტრის
სიბრძის აპტობუსები
⑦ შეემატება

ვაზისკენ შემობრუნება

⑤



რასაც ჩვენს გაზეთში წაიკითხავ, სვავან ვერ ნახავ!..

ინფორმაცია

აუთო საქართველოში წარმომადგენლობის აღდგენას აპირებს



ამის შესახებ ეუთოს გენერალურმა მდივანმა, ლამბერტო ზანიერიმ „რია ნოვოს“-ისთან ინტერვიუს დროს განაცხადა.

— საპარლამენტო არჩევნებიდან მოყოლებული საქართველოს ხელისუფლებასთან აქტიურად ვთანამშრომლობთ. ასე მაგალითად, ცოტა ხნის წინ საქართველოს საგარეო საქმეთა მინისტრი ვენაში, ეუთოს საბჭოზე სიტყვით გამოვიცხადე, — განაცხადა ზანიერიმ.

მისივე თქმით, რამდენადაც ეუთოს საქართველოში აღარ ჰყავს წარმომადგენლობა, ორგანიზაციას მხოლოდ გვერდიდან უწევს ქვეყანაში მიმდინარე ცვლილებებზე დაკვირვება.

„მომავალ წელს საქართველოში ვიზიტს გვგეგმავ და ერთ-ერთი მთავარი საკითხი ეუთოს წარმომადგენლობის აღდგენა იქნება, რაც რეგიონში პროექტების უფრო ეფექტურად განხორციელების შესაძლებლობას მოგვცემს, — აღნიშნა ლამბერტო ზანიერიმ.

ამასთან, როგორც ეუთოს გენერალურმა მდივანმა განაცხადა, მუდმივად იმართება დისკუსიები საქართველოში ორგანიზაციის ყოფნის ფორმატზე ისევე, როგორც გეოგრაფიულ და ტერიტორიულ ჩარჩოებში საქმიანობის შესახებ.

ეუთოს წარმომადგენლობამ საქართველოში მუშაობა 2009 წლის ივნისში შეწყვიტა.

აქონების დაბალი პროცენტით ზრდა კოვაზიტასიისა და საპაშვილის ბრალი

რომშირც სადურმა განაცხადა, ბევრი ფაქტორის, მათ შორის პოლიტიკაში მიმდინარე მოვლენების გამო, ქვეყნის ეკონომიკური ზრდის მაჩვენებელი მხოლოდ 2,5%-ს შეადგენს.

ჩვენ ველოდით წლის დასაწყისში, რომ ზრდა იქნებოდა 6%-იანი, მაგრამ სამწუხაროდ მიმდინარე მოვლენებმა, მათ შორის პოლიტიკაში არსებული პროცესებმა, კერძოდ ე.წ. კოვაზიტასიამ და სრული პასუხისმგებლობით ვიტყვი — პრეზიდენტის მხრიდან მუდმივად ხელისშეშლამ, ასევე სხვა ფაქტორებმა, რომელთა ნაწილი ობიექტური, ნაწილი კი სუბიექტური იყო, მიგვიყვანა იქამდე, რომ წელს ეკონომიკა სამწუხაროდ 6%-ით ვერ გაიზარდება, — განუცხადა ნოდარ სადურმა ჟურნალისტებს.

რაც შეეხება საერთაშორისო სავალუტო ფონდის დასკვნას, რომელშიც საუბარია, რომ საგარეო დეფიციტის აღმოსაფხვრელად საქართველოს საგარეო ვალის აღება დასჭირდება, ფინანსთა მინისტრის განმარტებით, საქართველო საგარეო ვალს ნამდვილად იღებს, თუმცა მხოლოდ ინფრასტრუქტურული პროექტებისთვის.



შეხვედრა ვილნიუსის სამიტის წინ

პარლამენტის თავმჯდომარე დავით უსუფაშვილმა ლიტვაში სამდღიანი ოფიციალური ვიზიტის ფარგლებში, ლიტვის სეიმის თავმჯდომარე ლორეტა გრაუჟინიენესთან შეხვედრა გამართა.

შეხვედრის მთავარი თემები იყო საქართველოში მიმდინარე პოლიტიკური პროცესები, ორმხრივი საპარლამენტო ურთიერთობები, ვილნიუსის სამიტის მოლოდინები და სამიტის შემდგომი პერიოდი.



დავით უსუფაშვილმა აღნიშნა, რომ ვილნიუსის სამიტი საქართველოსთვის ევროინტეგრაციის გზაზე წინგადადგმული დიდი ნაბიჯი იქნება. ლიტვის სეიმის თავმჯდომარის განცხადებით, საქართველოში დღეს მიმდინარე პროცესები ძალიან მნიშვნელოვანია ქვეყნის მომავლისთვის. მისი შეფასებით, საქართველოს პარლამენტი მნიშვნელოვან როლს ასრულებს ქვეყანაში დემოკრატიის განმტკიცების საქმეში. მხარეებმა გამოთქვეს მზადყოფნა ქვეყნებს შორის ურთიერთობების კიდევ უფრო გაღრმავების თაობაზე.

ლორეტა გრაუჟინიენემ და დავით უსუფაშვილმა შეხვედრის დასრულების შემდეგ ჟურნალისტებისთვის ერთობლივი პრესკონფერენცია გამართეს. ლიტვის სეიმის თავმჯდომარემ აღნიშნა, რომ საქართველოს საპარლამენტო დელეგაციის ლიტვაში ვიზიტი პოზიტიურ გაეგნას მოახდენს ვილნიუსის სამიტზე. პარლამენტის თავმჯდომარის დავით უსუფაშვილის განცხადებით, საპარლამენტო დელეგაციის ვიზიტის მიზანია ყველა იმ საკითხზე მსჯელობა, რომელიც უკავშირდება საქართველოს ევროინტეგრაციას.

გიორგოპოსტოვის პატივსაცემად არ შეიწყალავენ

რომშირც გუშინ გამართულ ბრიფინგზე შეწყალების კომისიის თავმჯდომარე ელენე თევდორაძემ განაცხადა, გიორგი მარგველაშვილი შეწყალების კომისიის ახალი შემადგენლობის შექმნას გიორგოპოსტოვის ვერ მოასწრებს, რადგან ვილნიუსში წასასვლელად ემზადება.

თევდორაძე დარწმუნებულია, რომ 23 ნოემბრისთვის შეწყალების კომისიის არანაირი სხდომა არ გამართება, თუმცა რას გადაწყვეტს ახალი პრეზიდენტი და როდის გამართავს სხდომას, სახალწლოდ თუ საადგილოდ, ეს მისი უფლებაა.

თევდორაძე მიიჩნევს, რომ გიორგი მარგველაშვილი შეწყალების კომისიის სხდომას ძველი შემადგენლობით არ გამართავს.



ინტერპრესი

კანონმდებლობა

„შეზღუდვის შემოღების შესახებ“ კანონპროექტმა უკვე საკმაოდ მთქმარმოქმამ გამოიწვია. ადგილობრივი მენარმეები ახალ ინიციატივას დიდი იმედით უყურებენ, ხოლო ძვალმსხვილი იმპორტიორები კი ხმამაღალ პროტესტს გამოთქვამენ.

მათ შორის განსაკუთრებით აქტიურებს საერთაშორისო სავაჭრო პალატის თავმჯდომარე ფადი ასლი, რომლის ბიზნესინტერესები საქართველოში (და არა მარტო აქ) ყველასთვის ცნობილია. შიდა ბაზრის დაცვაზე

ფადი ასლის შეხედულებებს სოფლის მეურნეობის სამინისტროში კატიგორიულად არ იზიარებენ და ეჭვობენ, რომ სავაჭრო პალატის თავმჯდომარეს კვალიფიციური შეფასების გაკეთება უჭირს, რადგან პრობლემას სიღრმისეულად ვერ წვდება.

„ფადი ასლის არ ესმის რა საჭიროება დგას ქვეყნის წინაშე“, — განაცხადა სოფლის მეურნეობის მინისტრის მოადგილე დავით გლეგაშვილმა, რომელიც ფიქრობს, რომ „ვაჭრობაში დაცვითი ღონისძიებების შემოღების შესახებ“ კანონის ამოქმედების შემდეგ ადგილობრივი წარმოების განვითარებას სტიმული მიეცემა.

სოფლის მეურნეობის სამინისტროს ინიცირებული ცვლილებები ადგილობრივი ბაზრის დაცვის მიზნით მომზადდა, ულიმიტო იმპორტმა ადგილობრივი წარმოება ზედმეტად რომ არ შეზღუდოს და ქართულ კომპანიებს განვითარების საშუალება მიეცეს.

ასლს კი, რომელიც საქართველოში მომავალი წელია მისთვის ერთობ მომგებიანი სხვადასხვა ბიზნესითა დაკავებული, რასაკვირველია, თავისი შემოსავალი ადრედებს. ამიტომაც იგი ეწინააღმდეგება საკანონმდებლო ცვლილებებს, რომელიც შიდა ბაზრის დაცვისთვის იმპორტის კვოტირებას და შეზღუდვას ითვალისწინებს.

„პროტექციონიზმმა, შესაძლოა, ხელი შეუწყოს ელიტარულ კორუფციას და დააფრთხოს უამრავი ინვესტორი, რაც თავისთავად უარყოფით ზეგავლენას იქონიებს ქვეყანაში პირდაპირი უცხოური ინვესტიციების შემოდინებაზე. დღესდღეობით, არც ერთი საიმედო ხელისუფლება არ განავითარებს ეკონომიკის დარგებს პროტექციონიზმის საფუძველზე. ჩემი 33-წლიანი პროფესიული ცხოვრების განმავლობაში, მთელი მსოფლიოს მასშტაბით შეტანილი მაქვს მილიონობით ტონა ხორცი, ფრინველის ხორცი, თევზი, ხილი და ბოსტნეული. ყველაზე კონკურენტული ქვეყნების სწო-

რიოზული საფუძველი იმისა, რომ ვივარაუდოთ, აღნიშნული კანონის შესაძლო გამოყენება ზოგიერთი მყარად დაფუძნებული ბიზნესის ბაზრიდან გასაყვანად“, — აცხადებს ასლი.

ადგილობრივი მწარმოებლები კი საერთაშორისო სავაჭრო პალატის ხელმძღვანელის პროტესტს არ უერთდებიან და ვაჭრობის დაცვის კანონპროექტს მხარს უჭერენ. კანონის ამოქმედების შემდეგ, ქართულ ბაზარზე იმპორტის განხორციელება ყველა კომპანიას აღარ შეეძლება — ასეთი შეფასება კომპანია „საქკაბე-ლის“ სამეთვალყურეო საბჭოს თავმჯდომარე ედიშერ მამალაძემ გააკეთა, რომელიც ფადი ასლის პოზიციას არ ეთანხმება. მისი აზრით, აღნიშნული კანონი სწორედ რომ ხელს შეუწყობს ქართული ადგილობრივი პროდუქციის განვითარებას და ამით საქართველო საკუთარ ბაზარს დაცავს.

საპარლამენტო უმრავლესობის წევრი და კომპანია „ყაზბეგის“ დამფუძნებელი გოგი თოფაძე „კომერსანტთან“ საუბრისას აცხადებს, რომ კანონის მიღების შემთხვევაში ქართული და უცხოური პროდუქცია თანაბარ პირობებში აღმოჩნდება და ისეთი პროდუქციის შემოტანის საჭიროება, როგორც, მაგალითად, ჩაი და ტომატ პასტა, აღარ იარსებებს. „რატომ უნდა სდებოდეს საქართველოში ჩაის, ტომატ პასტის იმპორტი, როდესაც ქართველ მწარმოებებს თავისუფლად შეუძლიათ მისი იმ რაოდენობით წარმოება, რომ ქართული ბაზარი დაკმაყოფილდეს და ექსპორტზეც გავიტანოთ?“ — კითხულობს თოფაძე.

მისივე აზრით, ქართველი მწარმოებლების ხელის შესაწყობად აღნიშნული კანონპროექტის მიღება აუცილებელი იყო. იმპორტის შეზღუდვით, ქართული და უცხოური კომპანიები თანაბარ პირობებში აღმოჩნდებიან და მეტი საწარმო გაიხსნება.

გიორგი ბაძაური

საქართველო პროტექციონიზმის გზას დაადგა

რედ ის ქვეყნებია, რომლებსაც თავისუფალი და ღია ბაზარი აქვთ, რაც ინვესტაციების დანერგვას, ხარისხის გაუმჯობესებასა და უფრო დიდი მოცულობების გენერირებას, შესაბამისად, ლოგისტიკაში მდგრადი ინვესტიციები უზრუნველყოფს პროდუქციის ხარისხიან და დროულ ტრანსპორტირებას საერთაშორისო ბაზრებზე.

არსებული სახით შემუშავებული კანონპროექტი უკიდურესად ბუნდოვანი და ზოგადია. აქედან გამომდინარე, იძლევა თავისუფალი ინტერპრეტაციის შესაძლებლობას, რაც, სავარაუდოდ, გამოიწვევს მის უსამართლო გამოყენებასა და განხორციელებას. წარსული გამოცდილებით დავრწმუნდით, რომ საქართველოში კანონები, რომლებიც ბუნდოვანია, შეიძლება გამოყენებული იქნას დასაჯარმებლად, დასასჯელად, დასასუსტებლად ან კონკრეტული ბიზნესის გასაკოტრებლად. აქედან გამომდინარე, არსებობს სე-

ალიან-გალიანი

მოგაპალ წელს პრეზიდენტის სარეზერვო ფონდი შეიქმნება

წლის დასასრულამდე ორი თვით ადრე პრეზიდენტის სარეზერვო ფონდი ცარიელია, — ამის შესახებ ჟურნალისტებს ფინანსთა მინისტრმა ნოდარ სადურმა განუცხადა.

პრეზიდენტის სარეზერვო ფონდში უკვე აღარაფერი აღარ არის, ის ორი თვით ადრე გამოიწურა. პრეზიდენტმა 10 მილიონი ლარიდან 5 280 000 ლარი საკუთარ ადმინისტრაციის ხარჯებს მოახმარა, ნახევარი მილიონი ლარი „ნაციონალური მოძრაობის“ აქტივისტების წახალისებას მოხმარდა და ა.შ. რაც შეეხება მთავრობის სარეზერვო ფონდს, 50 მილიონი ლარიდან დახარჯულია დაახლოებით 35 მილიონი ლარი. თანხების ძალიან დიდი ნაწილი მოხმარდა ინფრასტრუქტურის განვითარებას, — განაცხადა სადურმა.

რაც შეეხება მომავალ წელს, მინისტრის განმარტებით, მთავრობის სარეზერვო ფონდი იგივე დარჩება, ხოლო პრეზიდენტის სარეზერვო ფონდი კიდევ უფრო შემცირდება და 5 მილიონი ლარით განისაზღვრება.

ამასთან, ნოდარ სადური მთავრობის სარეზერვო ფონდიდან კახა კალაძის უწყებისთვის გამოყოფილ თანხებსაც გამოეხმაურა და აღნიშნა, რომ გადამწყვეტილება რამდენიმე მიზნით, მათ შორის გაზოფიცირებისთვის იქნა მიღებული.

გამორიცხულია. აფხაზეთსა და საქართველოს, როგორც ორ სახელმწიფოს შორის, რაიმე დოკუმენტი გაფორმდეს

ბსმ გამოეხმაურა პარლამენტის ტერიტორიული მთლიანობის აღდგენის საკითხთა დროებითი კომისიის თავმჯდომარე გია ვოლსკი აფხაზეთის ე.წ. საგარეო საქმეთა მინისტრის ჩირიკბას განცხადებას. როგორც გუშინ გამართულ პრესკონფერენციაზე გია ვოლსკიმ განაცხადა, აფხაზეთი, როგორც დამოუკიდებელი სახელმწიფო არ არსებობს.

— მეორე, გამოცხადებულია, რომ აფხაზეთთან როგორც სახელმწიფოსთან რაიმე გაფორმდეს, გინ-

და უსაფრთხოების ხელშეკრულება, ან სხვა დოკუმენტი. ომის წინა პერიოდში იყო რასაკავიერგელია პერიოდი, როდესაც ბევრი შეთანხმება ფორმდებოდა აფხაზეთთან და ოსებთან და იყო საკითხები, რომელსაც ენერგობოდა ხელი. თუმცა ეს არ გულისხმობდა რაიმე საერთაშორისო სამართლებრივ აღიარებას აფხაზეთის ან ოსური მხარის. ასე, რომ ეს შეკითხვა არ არის აქტუალური, არ არსებობს აფხაზეთი როგორც დამოუკიდებელი სახელმწიფო და მასთან საქართველოს არანაირი შეთანხმების გაფორმების არც სურვილი აქვს და ეს არც ნორმალური იქნება სამართლებრივი თვალსაზრისით, — განაცხადა გია ვოლსკიმ.

აფხაზეთის ე.წ. საგარეო საქმეთა მინისტრი ვიჩესლავ ჩირიკბა აცხადებს, რომ ყენევის მოლაპარაკების მორიგ რაუნდზე საქართველომ და აფხაზეთმა ძალის არგამოყენებასთან დაკავშირებით შესაძლოა, შეთანხმებას მიაღწიონ. როგორც ჩირიკბამ „რია ნოვოსტის“ განუცხადა, მომდევნო რაუნდი 17-18 დეკემბერს არის ჩანიშნული.

პანო მარაბიშვილის პროსანი 19 ნოემბრისთვის გადაიდო

26 მბისის მოვლენებთან დაკავშირებით ვანო მერაბიშვილის წინააღმდეგ აღძრული სისხლის სამართლის საქმის განხილვა 19 ნოემბრისთვის გადაიდო. მოსამართლე ქეთევან ჯაჭვამეძე პროცესი 19 ნოემბერს 12 საათზე ჩაინიშნა.

პროცესის გადაადგმის მიზეზი კი მოსამართლის გრაფიკი გახდა. როგორც პროცესის დასრულების შემდეგ მერაბიშვილის ადვოკატმა გიორგი ჩივი-აშვილმა განაცხადა, ქეთევან ჯაჭვამეძე აღნიშნა, რომ იმავე დღეს 12 პროცესი ჰქონდა, რის გამოც სასამართლო პროცესის გადადება მოითხოვა.

რაც შეეხება შემდგომ პროცესს, ადვოკატის თქმით, 19 ნოემბერს ჩანიშნულ პროცესზე მხარეები მტკიცებულებათა წუსხას წარმოადგენენ. ასევე ადვოკატის თქმით, დაცვის მხარეს გარკვეული შუამდგომლობები ექნება.

ვანო მერაბიშვილის პროცესზე გუშინ „ნაციონალური მოძრაობის“ წარმომადგენლები და შინაგან საქმეთა სამინისტროს ყოფილი თანამშრომლები იმყოფებოდნენ.

© თხას უთხრას, გზაში მოგვადარა!

ნაპიდა, პაე!

როგორც მიხვდით, ეს წერილი მეტად საინტერესო თემაზე, ანუ სააკაშვილის ნასვლა-არნასვლას ეხება.

„წაეთრა! წაშავდა! წაბნელდა!“ ასეთი სათაური გამოიტანა პირველ გვერდზე ერთ-ერთმა გაზეთმა, რომელზეც ვანო ჯავახიშვილმა თავის შოუში საკმაოდ მკვეთრი და კონკრეტული პასუხი გასცა:

რომ მოეთრეს, მოშავდეს და მობნელდეს, მერე სად მიდიხართო! რა, ტყუილი თქვა?

მართლა რომ მოეთრეს, მოშავდეს და მობნელდეს მერე სად მივდივართ?

არადა იმ შედეგებით, რომელიც დაიდო, საკმაოდ რეალური შანსი გაუჩნდა.

იმის ნაცვლად, რომ ნაციონალური მოძრაობა საერთოდ გამქრალიყო ქართული პოლიტიკური სივრციდან, იმის ნაცვლად, რომ ნაციონალური მოძრაობის აქტივისტებისთვის, თავები სახალხოდ გადაეპარსათ და ისე გაეშვათ ქუჩაში (როგორც საფრანგეთში ნაცისტებთან თანამშრომლობაში ბრალდებულებს გადაპარსეს), იმის ნაცვლად, რომ ნაციონალური მოძრაობა, ისევე როგორც უკრაინაში კომუნისტური პარტია, აეკრძალათ დ.ა.შ. ყველაზე მთავარ ოპოზიციურ ძალად დაფიქსირდა!

„ჩვენ ავინაზღაურებთ დაკარგულ დროს და გავაგრძელებთ სვლას უკეთესი მომავლისკენ!“ — განაცხადა სააკაშვილმა არჩევნების შემდეგ.

რაო, ხომ არ შეჩქვითდით?

ზუსტად ასე დაემართათ სოციალური ქსელის ფეისბუქის იმ მომხმარებლებს, რომლებმაც საარჩევნო ყუთების დახურვიდან სულ რაღაც ხუთ წუთში ისეთი ზარ-ზეიმი ატეხეს, რით დე ჟანერი-როს კარნავალსაც შემურდებოდა, მაგრამ სულ ცოტა ხანში გაჩნდა სტატუსი:

თხას უთხრეს — მგელი მომკვდარა!
თხამ ნავარდი ქნა. გაიქცა:
თხაო, ნუ გაგხარებაო.
განა სამგლეით დაიქცა.
იმას რომ დარჩა ლეკვები.
ისინიც მგლებად მაიქცა.

გაჩნდა და ისინიც ჩაფიქრდნენ. ჩაფიქრდნენ და ატყდა ერთი რუზრუზი და რია-რია.

„ქუჩაში შემხვედრი ყოველი მესუთე მთმერიდეთ, ან სჯობს დამარკირდეთ თქვენივე, პატარა ცოცხები ჩამოიკიდეთ. ერი უნდა ცნობდეს საკუთარ მეცოცხებს...“

„ხვალიდან ყოველ მესუთე შემხვედრს პანჩურს ვურტყამ (გონივრული ეჭვის საფუძველზე, რომ ნაციონალებს მიცა ხმა) ესაა ჩემი ეგზიტპოლი“.

„კი, იმან გაიმარჯვა, ვისაც ხმა მივეცი, მაგრამ რატომღაც არ მაქვს გამარჯვების განწყობა...“

კიდევ ბევრი სტატუსი იყო და განსაკუთრებით მას შემდეგ, რაც გაირკვა, რომ ნაციონალური მოძრაობა მეორე პოლიტიკურ ძალად დაფიქსირდა.

დაფიქსირდა არა მხოლოდ საქართველოში, არამედ ევროპაშიც. იმ ევროპაში, რომლის შიშითაც ან უკვე მოძველებული ხელისუფლება (ერთი წელიწადი ხელისუფლების არსებობის ერთი მეოთხედი), ძრწის და მკვლევებს, დიას, მკვლელებს „ვაშლის უპრაგონოდ გათლის“ ბრალდებით აკავებს.

„პრეზიდენტ სააკაშვილის პრეზიდენტობის პერიოდში საქართველოში მაღალია შესანიშნავ პროგრესს და ახლა მნიშვნელოვანია დავრწმუნდეთ, რომ შემდგომში მოხდება ამ პროგრესის პოლიტიკური და ეკონომიკური კონსოლიდაცია ჩვენ მოვლით, რომ საქართველო პატივისცემით მოეპყრობა ისეთ ვალდებულებებს, როგორიცაა თავისუფალი და პოლიტიკური ზეგავლენისგან თავისუფალი სასამართლო სისტემის უზრუნველყოფა, ჩვენ კატეგორიულად ვენიშნავდებით შერჩევითი სამართლის ნებისმიერ ფორმას. პატონო პრეზიდენტო, თქვენ ასრულებთ საპრეზიდენტო ვადას და ჩვენ თავდაჯერებით შეგვიძლია ვთქვათ, რომ საქართველო დღეს უფრო სტაბილური დემოკრატიია, ვიდრე ადრე“, — განაცხადა მანუელ ბაროზომ სააკაშვილთან შეხვედრის შემდეგ.

ესეც არჩევნების შემდეგ მოხდა. არჩევნების შემდეგ ე.წ. „ლუბერნატორები“ გადადგნენ და ამის შესახებ სახლოდ განაცხადეს.



რები“ გადადგნენ და ამის შესახებ სახლოდ განაცხადეს.

ძალიან სასაცილო და ამავე დროს შემზარავი იყო ერთ-ერთი „ლუბერნატორის“ ფრაზა: — მე ვერ ვიმუშავე ქართველი ხალხის მიერ არჩეულ ხელისუფლებასთანო.

ამ ფრაზას კიდევ გადაყლაპავდა კაცი, მაგრამ საოცრად მენიშნა ერთ-ერთი ყოფილი „ლუბერნატორის“ ლადო ვარძელაშვილის ნამოდელოდ მეუღლის ირინა ონაშვილის მიერ ფეისბუქში გავრცელებული სტატუსი: „ჩემ ახალი იდეა მაქვს. ხომ შეიძლება, რომ ამ ბრბოს არ ჰქონდეს შესაძლებლობა, რომ გადაწყვიტოს ქვეყნის ბედი და სპეციალურად შექმნილმა განათლებული ადამიანების საზოგადოებამ ან რა ვიცი... რამე კიდევ...“.

ჰო, ირინა ონაშვილის განათლების დონე, მისი ინტელექტი იძლევა იმის უფლებას, რომ ასეთი იდეები შემოგვთავაზოს.

მართალი გითხრათ ამ წინკვინს ნამდვილად არ მივაქცევდი ყურადღებას, რომ არა პარლამენტის თავმჯდომარის მეუღლის, ქალბატონი თინათინ ხიდაშელის განცხადება:

„საქართველოში ვადამდელო საპარლამენტო არჩევნები მაშინ იქნებოდა აქტუალური, თუ საპრეზიდენტო არჩევნებში მეორე ადგილზე არა „ნაციონალური მოძრაობა“, არამედ სხვა პოლიტიკური ძალა გავიდოდა“.

© ალიან-ჩალიანი

სააკაშვილის მოგზაურობები ბიუჯეტს ღირს თანხები უჯდება

საბარლამენტო უმრავლესობის წევრების ინფორმაციით, პრეზიდენტი მისილ სააკაშვილი საზღვარგარეთ მოგზაურობას უახლოეს დღეებში ისევ აპირებს.

როგორც გუშინ გამართულ ბრიფინგზე უმრავლესობის წევრმა ზვიად კვაჭანტირაძემ განაცხადა, უახლოეს დღეებში სააკაშვილი აპირებს გამგზავრებას ბელგიაში, შემდეგ კი — არაბეთში. დეპუტატის თქმით, პრეზიდენტის მოგზაურობები ბიუჯეტს დიდი თანხები უჯდება და ამიტომ თავი უნდა შეიკავოს მოგზაურობებისგან.

მისივე თქმით, პრეზიდენტი გადარჩეულია, თუმცა ის ცდილობს, სახელმწიფო ხარჯები მაქსიმალურად გამოიყენოს და დარჩენილ პერიოდში საზღვარგარეთ იმოგზაუროს. კვაჭანტირაძის განცხადებით, როგორც ჩანს, პრეზიდენტი დაკავებულია საკუთარი სამომავლო გეგმებით და სწორედ ამიტომ დადის საზღვარგარეთის ქვეყნებში.

იგაგება ახსანაგობების თავმჯდომარეთა ნახალისება

მიმდინარე წლის მეოთხე კვარტალში ყველა აქტიური ამხანაგობის თავმჯდომარე ნახალისდება. ამის შესახებ თბილისის საკრებულოში საკრებულოს ურბანული დაგეგმარებისა და საქალაქო მეურნეობის კომისიის თავმჯდომარე ნიკო საჩირაშვილმა განაცხადა, რომელმაც პრესკონფერენციაზე მერიის მიერ თბილისის ბიუჯეტის ცხრა თვის შესრულების დოკუმენტაცია წარმოადგინა.

საჩირაშვილის თქმით, დღესდღეობით მერიას აქვს საჭირო ოდენობის თანხა. საკრებულოს თავმჯდომარის მიერ მიღებული გადაწყვეტილება, ბიუჯეტის ცვლილებისა და 4 მილიონი ლარით გაზრდის თაობაზე, მერიისთვის მიუღებელი აღმოჩნდა.

საკრებულოს დეპუტატის განმარტებით, ეს კიდევ ერთხელ მოწმობს იმაზე, რომ საკრებულოს მერიისთვის თანხების შემცირება არ განუზრუნვლავია და მერიის მიერ აგორებული კამპანია საზოგადოების შეცდომაში შეყვანას ემსახურებოდა.

მისივე თქმით, ნოემბერში საკრებულო ამხანაგობების თავმჯდომარეთა დაფინანსების იმ წესს დაამტკიცებს, რომლის მიხედვითაც, უკვე ამა წლის მეოთხე კვარტალში ყველა აქტიური თავმჯდომარე ნახალისდება.

როგორც ბრიფინგზე გახდა ცნობილი, საკრებულოს ფრაქციები აღნიშნულ წესთან დაკავშირებით მუშაობას უახლოეს დღეებში დაიწყებენ.

ინტერპრესი

© აკაკი გულში

წერტილოვანი ფრაზები

● სად იყო Apple თავისი I-phone ან I-pad-ით, როცა იაკობ გოგებაშვილმა ჩვენ ღია გააჩუქა.

● ბარნოვი ნესვატკაშია, ფარდებს და ლუსტრებს რო ჩამოსხნით მერე გავალ რეზიდენციიდანო.

● ესლა მიხვადი, რატოა დიდ გულზე ბაქრაძე, თუ რამეა, ქვეყნიდან ისე გაიქცევა, შლაგბაუმის აწვევაც არ დაჭირდება.

● დარჩა ენერგეტიკა უპატრონოდ ყველამ ჩვენ-ჩვენ ფაზას მიხვდითო.

● დიდი სისულელეა საქართველოში მონარქიის აღდგენაზე ლაპარაკი, მით უმეტეს აბსოლუტურ მონარქიაზე — დუალისტურზე კიდევ იფიქრებდა კაცი (ქალიც).

● საზოგადოებრივი საზოგადოების დაფინანსდება პაიჭაძე ბისონით და სკიპტრით წაიყვანს დებატებს?

● ეს ვანო მაჭავარიანი კი არა, როგორც თვითონ ყვება, არსენა ოქელაშვილი ყოფილა!

● არაგინ ხართ მაღლიანი რო სააკაშვილს გააგებინათ: დღეს 2013 წელია და არა 2006 წელი.

● კატეგორიულად არ ვეთანხმები არაფერს, ახალი გაღვიძებული ვარ!

● ეს გიგი წერეთელი რთბა-ა, თუ მჭსო?

● ვერანაირი არგუმენტი ვეღარ გადამარწმუნებს სააკაშვილის დაჭერის აუცილებლობაში!

● ნელ-ნელა ვრწმუნდები, რომ იმ სტანდარტიდან ვერ ვუხვდეთ, რომელიც უკვე ოც წელზე მეტია დაინერგა, „დღეს უარესია, ვიდრე გუშინ იყო“. ჯერ 2004-ში ვართ. ოცნების კომფორტში ზმი სტანდარტიდან არ გადგვასხვდები. წინ ძალიან, სამწუხაროდ, საინტერესო ცხოვრება გველის. სავარაუდოდ პირველი გასართობი იქნება, სვანების ცემა-ტყეობით გამოყრა დასაბჭოორო სოფლებიდან, კოჭებში ვატყობ მთავრობას!

ამოკრება

ბიი გაბრიძიძე

© ნაკვლია

მიუა გინესის ლაურაპია

პატივცემულ მკითხველო, უნდა გაცნობოთ, რომ იმის შემდეგ, რაც გინესის კომიტეტი გავცნო მიუას მრავალმხრივ ნიჭს — ძალადობის, ვერაგობის, უღირსობის, უზნეობის, სიბრიყვის სფეროში, ერთხმად მიიღო გადაწყვეტილება აღიარონ ლიდერად ამ სფეროში და მიეკუთვნოს საპატიო ადგილი გინესის წიგნში.

ლონდა გდინიანი.

P. S. მიუას ასევე ელოდება უმაღლესი ტიტული, როგორც დიდოსტატს, ახალი სიტყვის მთქმელს, რეფორმატორს არქიტექტურაში, იგი თავის ნიჭით წინ უსწრებს ბრუნელესკის, კორბუზიეს, რაიტის.

ყოჩაღ, მიშვიო!

ლ. გ.

© ამსპერტო აზრი

შს მინისტრი და პრემიერ-მინისტრობის კანდიდატი ირაკლი ღარიბაშვილი ხალხს მოთმინებისკენ მოუწოდებს. მისი თქმით, ბიძინა ივანიშვილს ძალიან კარგად მოეწონებოდა და ბრძნულად გაწერილი გრძელვადიანი გეგმა ჰქონდა, რომელიც წარმატებით შეასრულა. ახლა შესასრულებელია მეორე გეგმა, რომელსაც ივანიშვილი კიდევ უფრო წარმატებით ასრულებს.

„ასე რომ, ხალხს ვთხოვ — ცოტა ხანს მოვითმინოთ. ჩათვალეთ, რომ ეს ჩემი მოწოდება და რჩევაა. ახლა მოთმინების რეჟიმში ვართ. დიდი საქმეების გადაწყვეტას დიდი მოთმინება სჭირდება. მინდა, დაგარწმუნოთ, რომ ყველაფერი იმაზე ბევრად უკეთესად იქნება, ვიდრე ეს რომელიმე ჩვენგანს წარმოუდგენია. მე ზოგადად ვიცი, როგორ განვითარდება საქართველოში მოვლენები“, —

აცხადებს ირაკლი ღარიბაშვილი „ქრონიკასთან“ საუბრისას.

მართალია, ირაკლი ღარიბაშვილს არ დაუკონკრეტებია, რომელ გეგმებზეა საუბარი, მაგრამ, თუ გავითვალისწინებთ, რომ პირველი გეგმა ნაციონალებისგან ქვეყანაში დამკვიდრებული ისტერიის და მათი პოლიტიკისგან ჩამოშორება იყო, დარჩა მეორე, არანაკლებ მნიშვნელოვანი გეგმის შესრულება — ეკონომიკის აღორძინება და სამართლიანობის აღდგენა, რადგან ეკონომიკის წინსვლას სამართლიანობის დამკვიდრების გარეშე აზრი დაეკარგება.

სავარაუდოდ, რომელ გეგმებზე საუბრობს ირაკლი ღარიბაშვილი და რას ნიშნავს ნომერ პირველი და მეორე გეგმები? ამის შესახებ ექსპერტები გვესაუბრებიან.

პოლიტოლოგი **ვასტანგ ძაბირაძე** აცხადებს, რომ კონკრეტულად არავინ იცის, რომელ პირველ და მეორე გეგმაზეა საუბარი. თუ აქ იგულისხმება 2012 წლის საპარლამენტო არჩევნებისთვის ბიძინა ივანიშვილის მიერ გაცემული დაპირებები, რომ „ქართული ოცნება“ ზედმეტი ვაი-ვაგლახისა და საზოგადოებრივი დაპირისპირების გარეშე მშვიდობიანად შეძლებდა ნაციონალების ხელისუფლებიდან ჩამოშორებას, მაშინ ეს გეგმა შესრულდა და ამას ჩვენ ყველანი ვხედავთ. ამდენად, ეს წარმატებული გეგმაა.

თუმცა, ექსპერტის მოსაზრებით, მთელი ამ ერთი წლის განმავლობაში, კოაბიტაციის პირობებში ცხოვრება საკმაოდ რთული იყო ჩვენი საზოგადოებისთვის, როგორც გამარჯვებული, ისე დამარცხებული ძალებისთვის, მაგრამ ესეც შევძელით და მივედით საპრეზიდენტო არჩევნებამდე, რომელიც მშვიდად და ობიექტურად, უჩვეულო ხარისხის დემოკრატიულობით ჩატარდა.

ამის მიუხედავად, ვასტანგ ძაბირაძე დღესაც მიიჩნევს, რომ ქვეყანაში, რომელმაც გარკვეული სიჩქარე აიღო და რალაც მიმართულებით დაიწყო მოძრაობა, არ შეიძლება ივანიშვილის წასვლა პოლიტიკური ასპარეზიდან და აღმასრულებელ ხელისუფლებაში ცვლილებების შეტანა. ივანიშვილი რომ პოლიტიკაში დარჩენილიყო, დინამიური პროცესი კიდევ უფრო დინამიური გახდებოდა.

„საჭირო იყო ქვეყნის პოლიტიკური მოწყოლა ახალი და თანამედროვე მოთხოვნების შესაბამისად, მაგრამ, ბიძინა ივანიშვილი გადადგა. დასახელებულია პრემიერობის ახალი კანდიდატი — ირაკლი ღარიბაშვილი, რომელთანაც ნაკლები კითხვები აქვს მტერსაც და მოყვარესაც. ერთადერთი, გარკვეულ სიფრთხილეს აღძრავს ახალი პრემიერის ახალგაზრდული ასაკი და პოლიტიკურ საქმიანობაში



მისი არცთუ ხანგრძლივი გამოცდილება. რაც შეეხება ბიძინა ივანიშვილის გეგმის მეორე ნაწილს, მიდგომა აბსოლუტურად სწორია, რომ ყველაფერი ერთ დღეში ვერ გაკეთდება და, ირაკლი ღარიბაშვილის ნათქვამის არ იყოს, საზოგადოებას მოთმინება და გამძლეობა სჭირდება. თუმცა, საზოგადოებას სჭირდება იმის დანახვაც, რომ ქვეყანა ნელ-ნელა წინ მიდის. წინააღმდეგ შემთხვევაში, ასეთი განცხადება დეკლარაციული ხასიათის იქნება და ამ დეკლარაციებს ჩვენ მიჩვეულნი ვართ არა მარტო დამოუკიდებლობის, არამედ უფრო ადრინდელ პერიოდშიც“, — აცხადებს ვასტანგ ძაბირაძე.

კერძოდ, პოლიტოლოგი იხსენებს, რომ მანამდეც სულ დეკლარაციული განცხადებებით გვკვებავდნენ იმპერიული, საბჭოური თუ კომუნისტური ხელისუფლებები. ამიტომ, როცა საზოგადოებას მოთმინებისკენ მოუწოდებენ, ჯერ უნდა აჩვენონ, რომ გუშინდელთან შედარებით, ჩვენ ერთი ნაბიჯით თუ ნახევარი ნაბიჯით წინ წავინიეთ, უნდა დაგვარწმუნონ, რომ პერსპექტივაში ეს გზა სწორი იქნება. თორემ, მხოლოდ მო-

წოდებები საკმარისი ვერ იქნება.

ამიტომ ვასტანგ ძაბირაძის აზრით, ხელისუფლებამ, უპირველეს ყოვლისა, დემოკრატიულ რეესტრებზე ქვეყნის გადაყვანა უნდა დაიწყო. ის, რომ არჩევნები ჩავატარეთ და რეპრესიები აღარ არის, ეს ხელისუფლების კეთილი ნებაა. მოსახლეობაში კი სამართლიანობის აღდგენის მოთხოვნილება საკმაოდ დიდია, ამიტომ, ამ მიმართულებითაც უნდა გადაიდგას ნაბიჯი. რაც შეეხება ეკონომიკურ აღმავლობას, ის ვერ განხორციელდება სწრაფად. ეს ძალისხმევას, ფინანსებს საჭიროებს და ხანგრძლივ პერიოდს მოითხოვს, მაშინ, როცა სამართლიანობის აღდგენა რელატიურად სწრაფად შეიძლება. მაგრამ ხელისუფლებაც და საზოგადოებაც უნდა მიეჩვიონ, რომ პრობლემები რეალურ დროსა და სივრცეში აღიქვან.

ექსპერტი ფიქრობს, რომ სააკაშვილის პრეზიდენტობიდან წასვლა სულაც არ ნიშნავს, რომ ყველაფრის უფლება მიეცემა ჩვენს ხელისუფლებას. დასავლელი პარტნიორები მიიჩნევენ, რომ სამართლიანობა უნდა აღდგეს პოლიტიკური

რეპრესიების გარეშე. ამიტომ, ესეც დროში იქნება გაწერილი და ხელისუფლებამ გულწრფელად უნდა თქვას, რომ ჩვენ დროში უნდა გავწყოთ ეს პროცესი. ამასობაში კი, ნელ-ნელა, უნდა დავარწმუნოთ ჩვენი მეგობრები, რომ საერთოლიანობის აღდგენა არაფრით უკავშირდება პოლიტიკურ რეპრესიებს.

„მხოლოდ ასეთ შემთხვევაში იქნება ირაკლი ღარიბაშვილის განცხადებები ორგანული და საზოგადოებისგან მხარდაჭერილი. თორემ ზოგადი განცხადება — მოითმინეთ და სვალ-ზეგ კომუნიზმში ვიცხოვრებთ, შედეგის მომტანი არ იქნება. თანაც, გასათვალისწინებელია ერთი რამაც — მე აჩემებული კი არ მაქვს ივანიშვილის პრემიერობა, უბრალოდ, სულ სხვაა, როცა ივანიშვილი ლაბარაკობს ამ ყველაფერს და სხვაა — ღარიბაშვილის შემთხვევაში. პირველ შემთხვევაში, ამერიკის რწმენა არსებობს, სოლო, მეორე შემთხვევაში, ასაკთან დაკავშირებით კითხვები ჩნდება“, — აცხადებს პოლიტოლოგი.

ექსპერტი ეკონომიკის საკითხებში **ემზარ ჯგერენია** ეთანხმება ირაკლი ღარიბაშვილის ნათქვამს, რომ გეგმის პირველი ნაწილი შესრულებულია, რაც მიზეზი სააკაშვილის და, ზოგადად, ნაციონალების ხელისუფლებიდან ჩამოშორებას გულისხმობს. თუმცა, მისი აზრით, გეგმის მეორე ნაწილი ეხება ეკონომიკის აღორძინებას, ენერგეტიკის, დასაქმების პრობლემატიკას და სხვა.

მისი თქმით, ყველანიარად მუშაობენ იმისთვის, რომ რეალურად მთავრობამ გეგმის მეორე ნაწილი შეასრულოს და ეკონომიკა გააჯანსაღოს. თანაინვესტირების ფონდი ასრულებს ამ იდეებს და ფულის პრობლემა აღარ არის.

„უბრალოდ, პროექტების პრობლემაა. არ ჰყოფნით პროექტები და ამის შესახებ ბიძინა ივანიშვილი არაბი თუ ებრაელი ბიზნესმენების ჯგუფების ჩამოსვლის შემდეგ საუბრობდა. თუმცა, ალბათ, უახლოეს ხანებში პროექტებიც გამოჩნდება. ორხელისუფლებიანობა და გაურკვევლობა ხელს უშლიდა ამ პროექტების განხორციელებას. მარტო ფონდის შესახებ არ არის აქ საუბარი. ფონდი ერთ-ერთი პატარა ნაწილია მომავალი ეკონომიკის ზრდისთვის. აქ საუბარია პრივატულ პროექტებზე არაბებთან, ებრაელებთან და სხვებთან. ყველაფერი კეთდება ნორმალური ბიზნესგარემოს შესაქმნელად. თითოეულმა ქართველმა უნდა იცნოვროს უფრო კარგად, ეს არის ძირითადი მიზანი“, — აცხადებს ემზარ ჯგერენია.

მანანა ნოზაძე

© ეს მართლაც „პარად ალბა!“

მაგისტრები, ჩვეულებრივ, გამოუცდელები არიან სოლზე

როლანდ ქარდავაზე ამას ვერ ვიტყვი. ის ბავშვთა (და არა საბავშვო) თეატრის — „მეორე სახლის“ დამფუძნებელი და მთავარი რეჟისორია.

ვისაც ამ მართლაც უნიკალური თეატრის ერთი სპექტაკლი მაინც უნახავს, ეცოდინება, რა გატაცებით, არტისტული საიდუმლოებებისა და ნიუანსების როგორი ცოდნით განასახიერებენ პატარა მსახიობები თანაკლასელებთან თანატოლებსა თუ საყოველთაოდ ცნობილ ზღაპრულ პერსონაჟებს.

ისინი აქ კიდევ სწავლობენ და კიდევ თამაშობენ.

აქ რეჟისორი, იმავდროულად, პედაგოგიცაა.

ამიტომ გასაკვირი არ არის, რეჟისორმა, თუნდაც საკმაოდ გამოცდილმა, მაგისტრანტობა რომ მოიწადინოს.

როლანდ ქარდავას თეატრისა და კინოს სახელმწიფო უნივერსიტეტში **გიზო ჟორდანიას** მაგისტრანტობა ერგო.

და დადგა სამაგისტრო სპექტაკლის დროც.

სპექტაკლი მარჯანიშვილის თეატრში უნდა დადგმულიყო.

ეს, რა თქმა უნდა, დიდი პასუხისმგებლობაა, მაშინაც კი, როცა წარმოდგენა სხვენში თამაშდება და არა მრავლისმნახველ „ბებერ სცენაზე“.

მარჯანიშვილი მარჯანიშვილია!

სხვენს მონოპიესა უფრო მოუხდებოდა.

მსახიობი საძებნელი არ იყო: „მეორე სახლის“ პატარა არტისტებთან უკვე მრავალი წელია, ნაყოფიერად მოღვაწეობს **ნათია კავსაძე** — რუსთაველის თეატრის ყოფილი მსახიობი, ვისაც პედაგოგიური საქმიანობის საკმაოდ გამოცდილება თეატრალურ ინსტიტუტშიც აქვს დაგროვებული. ახლა კი მოზარდებს სასცენო ოსტატობასაც ასწავლის, მეტყველების კულტურასაც და, მათი მონაწილეობით, საინტერესო სპექტაკლებსაც დგამს.

პიესა?

ნანა ქავსაძე იმ სწორედ ნათია კავსაძისთვის დაწერა.

მონოპიესის გმირი კლოუნესაა, ცირკის მსახიობი.

რატომ მაინც და მაინც ცირკის? — იმიტომ, რომ ნათია კავსაძე ამ სამყაროს კარგად იცნობს: ბაბუამისი **ლადო კავსაძე** ცირკის დირექტორი იყო და მთელი ბავშვობა იქ აქვს გატარებული.

ეს მნიშვნელოვანი ფაქტორია, მაგრამ მონოსპექტაკლს მხოლოდ ამის იმედით ვერ ითამაშებ. აქ მთელი სამსახიობო არსენალი უნდა გამოიყენო — ნიჭი, ოსტატობა, გამოცდილება...

ნათია კავსაძემ დაამტკიცა, რომ არსენალი ერთობ მდიდარი აქვს. მან ნამდვილად მოგწუხსა აქტიორულ ფერთა პალიტრით, ერთი განწყობილებიდან მეორეში ბუნებრივი გადასვლით, კომედიურ და დრამატულ ნილიბთა ოსტატური მონაცვლეობით... სპექტაკლში არის ეპიზოდი, როცა მას ხელთ ორი თოჯინა უპყრია და, ერთდროულად, მკვეთრად განსხვავებულ რამდენიმე პერსონაჟს განასახიერებს — საკუთარ თავსა და ორ მეგობარს. მსახიობი ხასიათიდან ხასიათში წამის უსწრაფესად გადადის. ეს სცენა ნებისმიერი სახელგანთქმული რეჟისორის სპექტაკლს, ნებისმიერი გამოჩენილი არტისტის ბიოგრაფიას დაამშვენებდა. რეჟისორი აქ შეგნებულად ვახსენე: მსგავსი ეპიზოდები რეჟისორისა და მსახიობის თანამოაზრობის საუკეთესო ნიმუშია, იმ ბედნიერი შემთხვევის მაგალითი, როცა რეჟისორული გადაწყვეტა ბიძგს აძლევს საინტერესო სცენური სახის დაბადებას. იგივე შეიძლება ითქვას იმ სცენაზე, სადაც ნათია კავსაძის პერსონაჟი თავის თავგანისმცემლებს გვაცნობს. მსახიობს ჩანთიდან რიგრიგობით ამოაქვს სხვადასხვა კონფიგურაციის ბოთლი. იმის მიხედვით, თუ როგორ გამოიყურება თითოეული მათგანი, უნდა გამოვიცნოთ ამა თუ იმ თავყანისმცემ-

ლის ბუნება. აქ ძნელი სათქმელია, სად მთავრდება რეჟისორი და სად იწყება მსახიობი. ყველა კარგი სპექტაკლი, ალბათ, ამ განცდას უნდა ბადებდეს.

ამგვარ განცდას ბადებს სპექტაკლის მშვენიერი და აზრობრივად დატვირთული მხატვრობაც (**ავივნო ქელიძე**), რომელიც ერთ მომენტში, რეჟისორის ასევე საინტერესო გადაწყვეტის წყალობით, ისე ათამაშდება, რომ ლამის პერსონაჟად იქცევა.

მონოპიესა ერთი მსახიობის თავგადასავალს გვიამბობს. სიუჟეტი, ერთი შეხედვით, ბანალურია, მაგრამ, რეჟისორისა და მსახიობის ოსტატობა, დრამატურგიული ქსოვილის ბუნებრიობა და მსახიობის გულწრფელობა ბანალურობას ადვილად გვაგინებს, უფრო ზუსტად, ამაზე ფიქრის დროსა და სურვილს არ გვიტოვებს.

სპექტაკლს „პარად ალ“ ჰქვია. ამ ცნებას ლექსიკონებში ძნელად შეხვდებით, აღიარებული აზრით კი წარმატებულ სანახაობას ნიშნავს.

მონოსპექტაკლი ამ სათაურს ნამდვილად ამართლებს. ის შეიცავს ტრაგიკულ პასაჟებს, იქ სიკვდილის სცენაც კი თამაშდება, მაგრამ შინაგანი პათოსით მაინც სიკოცხლის აპოლოგიად წარმოგვიდგება. ამით სპექტაკლი ღირსეულად გახშირდა იმ თეატრში, რომლის სახელოვან ბიოგრაფიას მარადიულად დამზავრებია უკვდავი შეძახილი: „პოპლა, ჩვენ ვცოცხლობთ!“..

იოსებ ჭუმბურიძე.

P. S. რატომ შეეხება მაგისტრანტის ხელმძღვანელს, ბატონი გიზოს აზრით, ორივე გამარჯვებულია — რეჟისორიცა და მსახიობიც. უფრო მოკლედ და უფრო გასაგებად ვერც იტყვი. თანაც მაესტროს ნათქვამს რა საბუთი სჭირდება...

0. შ.

რაც კარგია, კარგია!

მთელი ქვეყნის მასშტაბით გაფანტულ და სოფლიდან გადახვეწილ მოსახლეობას სოფელში დაბრუნების სურვილი გაუჩნდა. სოფლის მეურნეობის სექტორში მიმდინარე ცვლილებებმა, კერძოდ კი, დარიგებულმა სასოფლო ბაზრათებმა, შედეგათებმა, დიდმა მოსავალმა და რელიზაციის გაუმჯობესებამ, ხალხს დიდი იმედი ჩაუსახა. ქალაქის შესიზნული სოფლები უკვე ფიქრობენ საგაზაფხულო სამუშაოების დაწყებისას სოფელს მიაშურონ. მით უმეტეს, რომ სოფლის მეურნეობის ხელშეწყობის პროგრამა გაი-სადაც გაგრძელდება და გაძლიერდება.

სოფლის მეურნეობა ქვეყნისთვის ერთ-ერთი წამყვანი დარგია, თუმცა, წლების წინ მან მნიშვნელობა დაკარგა და ხალხმა საკუთარ კარ-მიდამოზე უარი თქვა. ბოლო ერთ წელიწადში განხორციელებულმა სოფლის მეურნეობის სახელმწიფო პროგრამამ კი ადამიანებს პერსპექტივა დაუახლოვა, ხოლო შინამეურნეოებში გარდატეხა შეიტანა.

სოფლები მიმდინარე მოვლენებს და სოფლის მეურნეობის სამინისტროს მიერ გადამხმულ ნაბიჯებს იმ-ადინად უხმობენ. ისინი მი-იხმენ, რომ ეს გლობალური გაქვნიერებისა და მთელი ქვეყნის მასშტაბით გაფანტულ მოსახლეობის დაბრუნების საშუალებაა.

— წლეულს სოფლის მეურნეობის სამინისტროსგან მხარდაჭერასა და ყურადღებას ვგრძნობდით. სანამ მოსავალს ავიღებდით, ბარათები მაგვირეგებ, რითაც შესაძლებელი შეგინებოდა და სწორედ ამიტომაც, შარშანდელთან შედარებით, კარგი მოსავალი მივიღეთ. არც ჩაბარებაზე გვექონდა პრობლემა. კერძოდ კომპანიები იყვნენ დაინტერესებულნი და დიდი ნაწი-



სოფლიდან გადახვეწილს უკან დაბრუნების სურვილი გაუჩნდათ

ლი მათ მიეცემოდა. თუ ადრე 1 კგ ყურძენში, საშუალოდ, 40 თეთრს გვიხდებდნენ, ახლა ეს ციფრი გასამაგებელია.

სოფელი იბრუნებს თავის იერსახეს. ხალხს წლებია საკუთარ მიწა-წყალთან მობრუნება სურს. თუმცა, ამ ნაბიჯის გადადგმას ვერ ბედავს. სიდუსტორე და გაჭირვება აფრთხობს. ბევრისგან გამიგია, რომ სათანადო პირობების შეთავაზების შემთხვევაში, სიამოვნებით განაახლებენ წლების წინათ მიტოვებულ საქმეს, — ამბობს იმერელი გლეხი ოთარ ბაღდავაძე.

სოფლის მეურნეობის მიმართულებით განხორციელებული პროექტები აძლევს გლეხებს იმედს, რომ ხალხი საკუთარ სახლკარს დაუბრუნდება. შედეგითიანი კრედიტები, სენა-თესვისთვის განკუთვნილი ბარათების დარიგება, სოფლის მეურნეობის ერთმილიარდინი ფონდი, რომელიც გარკვეულ პროექტებს დააფინანსებს, მოსახლეობას პოზიტიურად განაწყობს.

— საქართველოში სამუშაო ადგილების სიმცირის ფონზე, გადარჩენის საუკეთესო საშუალებად მეურნეობა, მევენახეობა, მინათმოქმედება სახელდება. ახლა უკვე არ უნდა იყოს უგუნური საქციელი საკუთარ კერასთან დაბ-

რუნება, განსაკუთრებით მაშინ, როცა მთავრობა ასე აქტიურად ცდილობს სათანადო პირობების შექმნას, გაუმჯობესებას.

ადრე თუ გლეხებს მოსავალი უღებოდათ, ახლა გასაღების, რელიზაციის პრობლემა აღარ არის. ხელისუფლება ბაზრის ძიებაში დაგვიხმარა. ვყიდით მეზობელ ქვეყნებში, აგერ, უკვე იგვემება ხილის გატანა რუსეთის ბაზარზე. კარგ ფასში იბარებენ კერძო სანარმოებიც, — ამბობს ფერმერი მალხაზ ნოზაძე.

სპეციალისტები სამთავრობო პროგრამის წარმატებას აღიარებენ, მაგრამ მიიჩნევენ, რომ ქართული სოფლის სიღარიბიდან ამოსაყვანად მხოლოდ ამ მიმართულებით მუშაობა არ კმარა. მართალია, გლეხების ნაწილმა წელს ამოისუნთქა, მაგრამ ზოგადად დღევანდელი სოფელი ეკონომიურად კვლავ მძიმე მდგომარეობაშია. მას შემდეგ, რაც საბჭოთა სტრუქტურების ლიკვიდაცია მოხდა, არავის ახალი არაფერი არ შეუთავაზებია, რამაც სოფლის დაშლა-პარალიზება გამოიწვია. მკვეთრად გაიზარდა სოფლის მოსახლეობის მიგრაცია ქალაქად და საზღვარგარეთ. სოფლად დარჩენილი მოსახლეობა, ძირითადად, ხანდაზმულია,

მათ შორის, ფერმერი-გლეხები შეადგენს მხოლოდ 5-7%-ს. აღსანიშნავია ისიც, რომ ამ მიწის ნაკვეთების 50% სახლს და ეზოს უკავია და დანარჩენ ნაკვეთზე მოყვანილი მოსავლის რელიზაციით კი ოჯახი თავს ვერ ირჩენს.

ამიტომ, ექსპერტთა აზრით, საჭიროა, სოფლად შეიქმნას მრავალდარგობრივი კოოპერატივები, დასაქმდეს სოფლის უღარიბესი მოსახლეობა, გადაწყდეს სოციალური და ეკონომიკური პრობლემები, მოხდეს სოფლის ინდუსტრიალიზაცია.

საქართველოს სოფლის მოსახლეობა დაახლოებით 2 მილიონია და აქედან 80% სიღარიბის ზღვარზეა და რადგან მათ სანარმოო ქონება არ გააჩნიათ, ამიტომ მრავალდარგობრივი კოოპერატივების ჩამოყალიბება და მოსახლეობის დასაქმება, ერთადერთი გამოსავალია სიღარიბის დასაძლევად.

ზოგიერთ ქვეყანაში არსებობს სახელმწიფო კოოპერატივები. აუცილებელია, რომ კოოპერატივებში ნებაყოფლობით გაერთიანდეს სოფლის მოსახლეობის აბსოლუტური უმრავლესობა. კარგი იქნება თუ კოოპერატორები დაეყოფიან ორ მიმართულებად:

1. აქტიური — რომლებშიც უშუალოდ დასაქმდება და იმუშავებს მოსახლეობა;

2. პასიური — რომლებშიც დასაქმდება სოფლის ინტელიგენცია (ექიმები, მასწავლებლები, დიასახლისები და სხვა), პენსიონერები და ის ადამიანები, რომლებიც წამოვლენი არიან ქალაქში ან საზღვარგარეთ სამუშაოდ, მაგრამ სოფელში აქვთ მიწის ნაკვეთები.

ბევრ ქვეყანაში სახელმწიფო ესმარება ამა თუ იმ სახის კოოპერატივებს. სახელმწიფო აძლევს კრედიტებს, უწევს საგადასახადო შედეგებს, ხდება სპეციალური პროგრამის შემუშავება კონკრეტული კოოპერატივისათვის.

იპა ბაძრაძე

სოფელი — 2013

პაზისკენ შემობრუნება

— იმდენი ყურძენი, წლეულს კახეთის ზერებს რთველამდე რომ შემორჩა, დაიკრთა და გადაამუშავდა, ბარე ერთი თხუთმეტი-ოცი წელია არ მოიწვევიათ, — მიტხრა

კახეთიდან დაბრუნებულმა მეგობარმა, რომელმაც მთელი ოქტომბერი მშობლიურ კუთხეში გაატარა და ახლობელ-ნათესავებიც ერთიანად მოინახულა.

და მართლაც, სტატისტიკის ეროვნული სააგენტოს მონაცემებით, წლეულს კახეთში 84-მა ღვინის კომპანიამ და ქარხანამ 91ათას ტონაზე მეტი ყურძენი მიიღო და გადაამუშავა, მათ შორის 61 ათასი ტონა რქანითელის ჯიშის, 26,5 ათასი ტონა — საფერავი, დაახლოებით 2 ათასი ტონა მწვანე კახური, დანარჩენიც სხვა ჯიშების.

ყურძნის ასეთი კარგი მოსავალი მთლიანად კახეთს კარგა ხანია არ ჰქონია, რასაც, როგორც ზემოთ აღვნიშნეთ, ბევრმა გარემოებამ შეუწყო ხელი. კერძოდ, სანარმოებისადმი, ასევე ინდივიდუალური მევენახეებისადმი ახლებურმა მიდგომამ, რამაც ის შედეგი მოიტანა, რომ, სოფლის მეურნეობის სამინისტროს ინფორმაციით, კახეთში მათ 100 მილიონ ტონაზე მეტი შემოსავალი მიიღეს, მათ შორის 17 ათასმა ოჯახმა. ჩაბარების საშუალო მაჩვენებელი ოჯახზე ხუთ ტონას, ხოლო შემოსავალი შეიდათას ლარს შეადგენს.

წლევიანდელი რთველის სიახლეთა შორის აღსანიშნავია, რომ უწინდელ ორ, ასევე თქვათ, ინდუსტრიულ ჯიშს, რქანითელსა

და საფერავს, ახლა კახური მწვანე დამატა. რთველი 2013-ის უმნიშვნელოვანესი განსხვავება წინა წლებთან შედარებით კი ყურძნის შესყიდვის მიმართ მთავრობის მი-



ერ მევენახეობის სუბსიდირების პოლიტიკის ძირეული ცვლაა. მევენახეთა არაპირდაპირი სუბსიდირების არსი კი ისაა, რომ მთავრობა ყურძნის ამა თუ იმ ჯიშის ფასს კი არ ადგენდა, არამედ ყურძნის გადამამუშავებელ ქარხნებს და ღვინის კომპანიებს კილოგრამი ხარისხიანი ყურძნის ლარად და მეტ ფასად შექნის შემთხვევაში ისინი სახელმწიფოსგან ხელსაყრელ სუბსიდირებას იღებდნენ, დადგენილ თამასაზე ნაკლებ ფასად მიმღებს სანარმოები კი ამ შემთხვევაში უსუბსიდიტოდ დარჩნენ.

ამდენად, ღვინის მწარმოებლები უკვე თავადვე აღმოჩნდნენ დაინტერესებულნი, რომ კონდიციური ყურძენი შედარებით მაღალ ფასად შეესყიდათ, ხოლო სახელმწიფო სახსრები მართალია, არაპირდაპირი

გზით, მაგრამ უშუალოდ გლეხობამდე მივიდა. ამით სოფლის მეურნეობის სამინისტრომ მთავრობის მიერ დასახულ მიზანს წარმატებით მიაღწია, რაც, უწინარესად, რამდენიმე გარემოებამ განაპირობა. კერძოდ, ყურძნის დიდი და მცირე მწარმოებელი გლეხები ერთნაირ პირობებში აღმოჩნდნენ; აქცენტი მაღალი ხარისხის პროდუქციის მოკრეფაზე გადავიდა; ყურძნის ფასი არა სახელმწიფო დიქტატმა, არამედ ბაზარმა განსაზღვრა; ღვინის მწარმოებლებს მისაღები ყურძნის ოდენობა არ დაუდგინდათ და სხვ.

ყოველივე ზემოაღნიშნულის შედეგად წლევიანდელი რთველი ბოლო წლების მანძილზე ყველაზე წარმატებული გამოდგა, რამაც, ბუნებრივია, ყურძნის მწარმოებლების დიდი კმაყოფილება გამოიწვია. ამასთან, აღსანიშნავია ისიც, რომ, როგორც თავად გლეხები ამბობენ, გაზაფხულზე მიღებულ ვაუჩერებმა მიწის დამუშავებაში, ვა-

ზის მოვლასა და შხამ-ქიმიკატების შეძენაში საგრძნობი დახმარება გაუწია, რამაც სასურველი შედეგი გამოიღო.

ღვინის ეროვნული სააგენტოს მონაცემებით, წლევიანდელი რთველი რაჭაშიც წარმატებით ჩატარდა, სადაც ყურძნის გადამამუშავებაში 24-მა ღვინის მწარმოებელმა კომპანიამ მიიღო მონაწილეობა, რომლებმაც ალექსანდროულისა და მოჯურეთულის ჯიშის ნაყოფის 980 ტონა ჩაიბარეს. მნიშვნელოვნად გაიზარდა ყურძნის ფასიც — თუ შარშან კილოგრამი 5 ლარი ღირდა, წლეულს 8-9 ლარამდე ავიდა, თუმცა კი სწორედ ამ მაღალი ფასის გამო ხვანჭკარაზე სახელმწიფო სუბსიდიის არ ვრცელდებოდა.

ოთარ ტურაბაიძე

ალიან-ჩალიანი

მოსახლეობის საყოველთაო აღწერა

საქართველოს მოსახლეობის საყოველთაო აღწერა 2014 წლის 5-19 ნოემბერს ჩატარდება. როგორც სტატისტიკის ეროვნული სამსახურის აღმასრულებელმა დირექტორმა ზაზა ჭელიძემ განაცხადა, აღწერის პირველადი შედეგები აღწერის ჩატარებიდან 6 თვის შემდეგ გახდება ცნობილი, საბოლოო შედეგები კი ერთი წლის შემდეგ.

ამ თემაზე სასტუმრო „პოლიდეი ინში“ საქართველოს სტატისტიკის ეროვნული სამსახური და გაეროს-ს მოსახლეობის ფონდის საქართველოს ოფისი დონორთა კონფერენციას მართავს. კონფერენციას ესწრება საქართველოს რეგიონულ განვითარებისა და ინფრასტრუქტურის მინისტრი, მოსახლეობის აღწერის სამთავრობო-საკორდინაციო კომისიის თავმჯდომარე დავით ნარმანიძე.

მისი განცხადებით, გაეროს-ს მოსახლეობის ფონდი მისი მანდატით დაინტერესებულია, ტექნიკურ დახმარებას უწევს მოსახლეობის საყოველთაო აღწერის ჩატარებას მოვლადის მრავალ ქვეყანაში.

— აღწერის მოსამზადებელი სამუშაოები 2014 წლის აპრილამდე მთელი საქართველოს მასშტაბით ჩატარდება. კერძოდ, თითოეულ მუშაობაში მოსახლეობისა და შინა მეურნეობების რაოდენობების წინასწარი დადგენის მიზნით მოხდება შენობებისა და მათში მცხოვრები მოსახლეობის წინასწარი შემოვლა. აღნიშნულ სამუშაოებში დასაქმებულია რაოდენობა მიაღწევს დაახლოებით 4 000 ადამიანს. მოსამზადებელი სამუშაოების დასრულების შემდეგ, 2014 წლის 5-19 ნოემბერს საველე სამუშაოების მეორე უმნიშვნელოვანესი ეტაპი — მოსახლეობის აღწერა დაიწყება. ამ მიზნისთვის შეიქმნება დაახლოებით 15 000-მდე ვერსონალი, რომლებიც სპეციალური კითხვარებით მეშვეობით ინდივიდუალურად გამოკითხავენ მოსახლეობას, — განაცხადა ნარმანიძემ. მისივე თქმით, სულ აღწერისთვის დაახლოებით 18 მილიონამდე ლარი დაიხარჯება.

კონკურსი „ქართული კალიგრაფია“ გრძელდება

საქართველოს განათლებისა და მეცნიერების სამინისტროსა და ხელნაწერთა ეროვნული ცენტრის ინიციატივით, კონკურსი „ქართული კალიგრაფია“ გამოცხადდა.

როგორც საქართველოს განათლებისა და მეცნიერების მინისტრის მოადგილემ ლია გიგაურმა და ხელნაწერთა ეროვნული ცენტრის დირექტორმა ბუბა კუდავამ განაცხადეს, კონკურსის მიზანია ქართული კულტურის მნიშვნელოვანი მონაპოვრის — ქართული დამწერლობისა და ქართული კალიგრაფიის პოპულარიზაცია, ხელით წერილ კულტურის განვითარება და კონკურსანტების შემოქმედებითი უნარის წარმოჩენა.

კონკურსში მონაწილეობა შეუძლიათ, საქართველოს საჯარო და კერძო სკოლების მოსწავლეებს VI-დან XI კლასის ჩათვლით, უმაღლესი სასწავლო დაწესებულებების სამივე საფეხურის (ბაკალავრიატი, მაგისტრატურა, დოქტორანტურა) სტუდენტებს; სხვა ზრდასრულ დაინტერესებულ პირებს.

ქართული კალიგრაფიის კონკურსის 2010 წლიდან ჩაეყარა საფუძველი და ყოველწლიურად იმართება. კონკურსის მონაწილეობა საშუალება აქვთ თანაბარ კონკურენტულ პირობებში წარმოაჩინონ უნარი ხელით წერის კულტურაში, ასევე, აქვთ შესაძლებლობა მოისმინონ ლექციონ-სემინარები შესაბამის თემებზე.

ინტერპრესი

© განუპირობა

„სწრაფი აღმინისტრატორი“ თეზაუსი, „ერთ-ერთი დირექტორი“ პლასანი და...

პრეზიდენტმა სააკაშვილმა 27 ათასჯერ სიმბოლურ ფასად, 1 ლარად ან უსასყიდლოდ გაასხვისა სახელმწიფო ქონება, — განაცხადა საქართველოს მთავარმა პროკურორმა არჩილ კბილაშვილმა.

მანვე განმარტა, რომ თუმცა სახელმწიფო ქონების განკარგვა პრეზიდენტის კანონიერი უფლებაა, იმ შემთხვევაში, თუ ამას დანაშაულებრივი მიზანი ედო, მაშინ ის კანონის დარღვევად ჩაითვლება.

„რა თქმა უნდა, ეს 27 ათასი გამოძიების წარმოებას არ ნიშნავს, მაგრამ არსებობს ბევრი საქმე, სადაც კითხვები გაჩენილი პრივატიზების და მისი მიზანშეწონილობის შესახებ“, — განაცხადა არჩილ კბილაშვილმა და აქვე დასძინა, რომ აღნიშნულ საკითხს აუდიტის სამსახური სწავლობს და გამოძიების მეორე ფაზა სწორედ მათი დასკვნის მიხედვით დაიწება.

საინტერესოა, თუ კანონდარღვევა დაფიქსირდება, იმ პირებსა და ენ. ინვესტორებს, რომლებმაც სააკაშვილის გულუხვობით ისარგებლეს და ქონება ერთ ლარად გადაიბარეს, დააბრუნებინებენ თუ არა ნაწყალობებს?! ეს მაშინ, როცა კანონის თანახმად, ქონების გასხვისებას უნდა ჰქონდეს დიდი საზოგადოებრივი სარგებელი. სააკაშვილის განკარგულებებიდან კი არ ირკვევა, ქონების გადაცემისას რა უპირატესობით შეირჩნენ კონკრეტული პირები. გაურკვეველია ისიც, იყვნენ თუ არა სხვა მსურველებიც და მათთვის რატომ არ იმეტებდნენ მილიონიან ქონებას სიმბოლურ ფასად?! საუბარია ათობით ათასი კვადრატული მეტრი ფართობის სასოფლო-სამეურნეო და არასასოფლო-სამეურნეო დანიშნულების მიწის ნაკვეთებზე, მათზე არსებულ შენობა-ნაგებობებსა და სხვა ქონებაზე.

ექსპერტი ეკონომიკის საკითხებში ვაჟა ბერიძე მიიჩნევს, რომ ეკონომიკის ინტერესებიდან გამომდინარე, პრეზიდენტს უფლება ჰქონდა, გარკვეული ობიექტები ერთ ლარად გაესხვისებინა და აქ სადავო არაფერია. თუმცა, გასხვისების ხასიათი და მიზანშეწონილობა, ცალკეულ შემთხვევაში, ბევრ კითხვას ბადებს. ამდენად, ლეგიტიმურია საზოგადოების თუ შესაბამისი სამართალდამცავი უწყების ინტერესი ამ თემის მიმართ.

„ვფიქრობ, ეს არ იქნება აღქმული, როგორც პრივატიზაციის შედეგების გადახედვა, ან პრეზიდენტის კანონიერი ქმედებების რვეიზია. უბრალოდ, ბევრი ისეთი ქვეტექსტი აქვს ამ ფაქტებს, რომ ამ ქვეტექსტების გამოძიება არ იქნებოდა ურიტო. ამ პროცესის მასობრივი ხასიათი და გაუმჭირვებლობა სამართლიან ეჭვს იწვევს, რადგან ზოგჯერ ესაა თუ ის ქონება არ ყოფილა გადაცემული სახელმწიფო ინტერესებიდან გამომდინარე. თუმცა, თუ ანგარებითი მომენტი არ დადასტურდება, ბუნებრივად, შედეგები არ გადაისინჯება“, — აღნიშნა ვაჟა ბერიძე For.ge-სთან საუბრისას.

მისივე განმარტებით, სახელმწიფო ქონების ერთ ლარად გადაცემას თავისი პროცედურები აქვს და, უპირველეს ყოვლისა, აუცილებელია, სახელმწიფოსთვის მომგებიანი იყოს მოცემული ობიექტის ამუშავება, მისი საბაზრო მიმოქცევაში მოქცევა და ა.შ.

თუმცა, სამწუხაროდ, ნაციონალების დროს საუბარია ისეთ ქონებაზეც, რომელიც ერთ ლარზე გაცილებით მე-

ანუ ერთ ლარად 27-ათასჯერ გასხვისებული სახელმწიფო ქონება



ტად, ასი ათასებამდე და უფრო მეტადაც გაიყიდებოდა. ამ ყველაფრის მიღმა კი ვაჟა ბერიძე ანგარებას ხედავს და მიიჩნევს, რომ გასაყიდი და საბაზრო ღირებულების მქონე ქონების გასხვისება ერთ ლარად დანაშაულობაა.

ახალგაზრდა იურისტთა ასოციაციის თავმჯდომარე კახა კოჟორიძე ადასტურებს, რომ, თუ ვინმემ დანაშაულებრივი გზით გადასცა სახელმწიფო ქონება კერძო პირს და კერძო პირიც ამ უკანონოაშია ჩართული, მაშინ ამ ქონების დაბრუნების შესაძლებლობა არსებობს, მაგრამ, თუ ქონებას ჰყავს კეთილსინდისიერი შემძენი, ან მყიდველმა ქონება უკვე გადაიხდა და ახალი შემძენი დანაშაულებრივ სქემასთან არაფერ კავშირში არ არის, მაშინ სახელმწიფო ვეღარ დაიბრუნებს იმ ქონებას. თუმცა, ზიანის ანაზღაურების მოთხოვნის უფლება ექნება იმ პირის მიმართ, ვინც დანაშაულებრივად, უკანონოობით მიიღო ქონება და ამის შესახებ ყველაფერი იცოდა.

„რატომაც არა, შეიძლება, გამოძიება დაინტერესდეს ქონების ერთ ლარად გადაცემის შემთხვევებით. იმის მიუხედავად, რომ კანონმდებლობა ერთ ლარად ქონების გადაცემის საშუალებას იძლევა, ეს არ ნიშნავს, რომ პრეზიდენტის ქმედებას ჩააროში არ ჩაჯდეს, უღიმილო იყოს და ვისაც უნდა, სახელმწიფო ქონება მას გადასცეს. კონკრეტულ შემთხვევაში, უნდა არსებობდეს სახელმწიფო ინტერესი და ნებისმიერი თანამდებობის პირი, როცა მსგავს ქმედებას ახორციელებს, უნდა მოქმედებდეს საჯარო და კერძო ინტერესის ურთიერთბალანსის საფუძველზე, ანუ საჯარო სარგებელიც უნდა იყოს გამოყოფილი. თუ ასეთი სარგებელი არ არსებობდა, ასეთი მასშტაბის ქონების გადაცემისას ჩნდება ეჭვები, ხომ არ აიხსნება ეს პრეზიდენტის მეგობრულ-ნათესაური კავშირით?!“ — აცხადებს კახა კოჟორიძე ჩვენთან საუბარში.

ქონების სიმბოლურ ფასად გადაცემის შემთხვევა უამრავია. ამ მხრივ ილიას უნივერსიტეტიც გამოირჩევა. საქართველოს პრეზიდენტის 2012 წლის 5 ნოემბრის განკარგულებით, ილიას სახელმწიფო უნივერსიტეტს სიმბოლურ ფასად, ერთ ლარად გადაეცა 42 დასახელების უძრავი ქონება თბილისში, საგარეჯოში, დედოფლისწყაროში, წალენჯიხაში, მარტვილში, ზუგდიდში, ონში, ასპინძაში, ნინოწმინდაში, ახალქალაქში, ლანჩხუთში, ჭიათურაში, ვაზგეში, ვანში, ლაგოდეხში, მცხეთაში, თეთრიწყაროში, ქუთაისში, ახმეტასა და ბორჯომში — სულ 283,000 კვ.მ-ზე მეტი ფართი. ამას გარდა, ილიას სახელმწიფო უნივერსიტეტს გადაეცა მოძრავი ქონება, სულ 12.500-ზე მეტი დასახელების ნივთი. ჩვენ დაგუკავშირდით ილიას სახელმწიფო უნივერსიტეტის რექტორს გიგი თევზაძეს და დავეინტერესდით, რამდენად აისახა ამ ქონების გადაცემა მათ უნივერსიტეტზე და, თუ გაანვიგრა სააკაშვილმა სხვა უნივერსიტეტებიც ასეთივე „საჩუქრით“?

გიგი თევზაძის აზრით, საქართველოს კანონმდებლობით, როდესაც პრეზიდენტი უნივერსიტეტს აძლევს ქონებას, ეს ნიშნავს, რომ უნივერსიტეტი თავის უძრავ ქონებას ვერ გაასხვისებს სახელმწიფოს გარეშე. თუმცა, ვერც სახელმწიფო გაასხვისებს უნივერსიტეტის ქონებას თავად უნივერსიტეტის გარეშე. ამდენად, ეს არის, უბრალოდ, ქონების დაცვა და ილიას უნივერსიტეტის პრეცედენტი უნდა განხორციელდეს ყველა უნივერსიტეტში.

„საკაშვილმა ამით დაიცვა ეს ქონება არაბუნებრივად ჩარევისგან. ფაქტობრივად, ჩვენი უნივერსიტეტისთვის გადაცემული ქონების დიდი უმეტესობა გავარემონტეთ. ამ უძრავი ქონების გარდა, გვაქვს მოძრავი ქონებაც, რომელიც მთლიანად უნივერსიტეტმა შეიძინა. ამიტომ ეს იყო მიზანშეწონილი. სწორედ ქონების დაცვა და ხელშეუხებლობა არის განვითარების საფუძველი“, — აღნიშნა გიგი თევზაძემ.

მანვე განმარტა, რომ, საერთოდ, გეგმა ითვალისწინებდა, რომ ყველა სახელმწიფო უნივერსიტეტს ქონება საკუთრებაში გადასცემოდა. უბრალოდ, ილიას სახელმწიფო უნივერსიტეტმა ეს მოასწრო სწრაფი ადმინისტრირების გამო. უფრო მეტიც, გიგი თევზაძე მიიჩნევს, რომ ყველა სახელმწიფო უნივერსიტეტს უნდა ჰქონდეს ისეთი ქონება, რომელსაც მათ გარეშე ვერაფერ განკარგავს.

ცნობისთვის, პრეზიდენტისგან დასაჩუქრებულთა შორის არიან პარლამენტის ფრაქცია „ნაციონალური მოძრაობის“ ყოფილი წევრი თემურ კოსოძე, მას კურორტი „საირმე“ 1 ლარად „აჩუქეს“. „საქართველოს უნივერსიტეტის საშუალო სკოლას“ სიმბოლურ ფასად, ანუ ერთ ლარად მიჰყიდეს ბათუმში, ჯავახიშვილის №5-ში მდებარე 1556 კვ.მ შენობა-ნაგებობა და მასზე მიმაგრებული 987 კვ.მ არასასოფლო-სამეურნეო დანიშნულების მიწის ნაკვეთი. აღნიშნული კომპანიის ერთი-ერთი დირექტორი გიული ალასანიძა. სააკაშვილმა მის მიერ, წამების ორგანიზებაში დადანაშაულებულ ლევან ქარდავას, რომელსაც თურმე არ იცნობდა, 2011 წელს ერთ ლარად კოჯორში მიწის ნაკვეთი აჩუქა. ასევე, დასაჩუქრებულთა შორის არიან გიგი უგულავას ძმა — ირაკლი უგულავა, გიგი კალანდაძე და სხვები.

მარიამ ლოლაშვილი

© განათლება

რა ასაკში უნდა შევიდეს ბავშვი სკოლაში?

ბანათელმზისა და მეცნიერების სამინისტრო გეგმავენ გადახედოს 2010 წლის იმ გადაწყვეტილებას, რომლის მიხედვითაც, მშობლის სურვილის შემთხვევაში, 5 წლის ასაკის ბავშვის სკოლაში მიღება შესაძლებელია. განათლების სამინისტრო, შესაბამისი კვლევების საფუძველზე, სკოლასთან არსებული ინფრასტრუქტურისა და ასევე ეროვნული სასწავლო გეგმის გათვალისწინებით, აპირებს შეიმუშაოს ახალი მიდგომა, თუმცა, როგორც სამინისტროში განმარტავენ, ჯერჯერობით ცნობილი არ არის, აიკრძალება 5 წლის ასაკის ბავშვების სკოლაში მიღება თუ სასწავლო გეგმაში შევა ცვლილება, რომელიც ამ ასაკის ბავშვებზე იქნება მორგებული. ცხადი მხოლოდ ის არის, რომ ცვლილებები მომავალი სასწავლო წლიდან შევა ძალაში.

განათლების სისტემა ან უფრო მოდიფიცირებული იქნება იმისათვის, რომ 5 წლის ასაკის ბავშვებმა დაიწყოთ სწავლა, ან სამინისტრო მიიღებს გადაწყვეტილებას, რომ 6 წლის ასაკის ბავშვები შევიდნენ სკოლაში. ასეთი გადაწყვეტილების მიღებას ცდილობს განათლებისა და მეცნიერების სამინისტრო, ამბობს განათლებისა და მეცნიერების მინისტრის მოადგილე ლია გიგაური. მისი სიტყვებით, ამგვარი გადაწყვეტილების მიღება საკენ სამინისტროს ორმა კვლევამ უბიძგა. ერთი — ეს არის 2011 წლის ანგარიში

პირველკლასელთა სასკოლო მზაობის შეფასება ეროვნული სასწავლო გეგმების

შესაბამისად მომზადდა, ხოლო 5 წლის ასაკის მოსწავლეთა სწავლების პრობლემების კვლევა, მასწავლებელთა პროფესიული განვითარების ეროვნულმა ცენტრმა დაუკვეთა სოციალური კვლევისა და ანალიზის ინსტიტუტს. განათლებისა და მეცნიერების მინისტრის მოადგილის ლია გიგაურის თქმით, ჯერჯერობით არანაირი კანონპროექტი ინიცირებული არ არის. ჯერ მხოლოდ ანალიზებზე კვლევების შედეგებს. ლია გიგაურის თქმით, მნიშვნელოვანია შემდეგი: „გავითვალისწინოთ ამ ასაკის — 5 წლის ბავშვის — სოციალური და აკადემიური უნარ-ჩვევები, ასევე ფსიქიკური უნარ-ჩვევები, მისი მოტორიკის განვითარების დონე, გვაქვს თუ არა შესაბამისი ინფრასტრუქტურა მომზადებული, რაც სჭირდება ამ ასაკის ბავშვს და რამდენად განსხვავდება ის ბავშვები, რომლებიც საბავშვო პაღიდან მოვიდნენ, იმათგან, რომლებიც პირდაპირ ოჯახიდან მოდიან სკოლებში, ანუ პრობლემების დამუშავება ხდება სხვადასხვა რაკურსით, რომ მივიღოთ შესაბამისი გადაწყვეტილება“.

იმის გამო, რომ 2010 წლიდან მშობლებს შეუძლია 5 წლის ასაკის ბავშვის სკოლაში მიყვანა, წლებანდელი პირველკლასელების 11 პროცენტი 5-წლიანია. სამინისტროს იმ 600 მშობლის განცხადებაც ჰქონდა, რომლებიც 4 წლის ასაკის ბავშვების სკოლაში მიღებას ითხოვდნენ. არადა, კვლევებმა აჩვენა, რომ

ხუთი წლის ბავშვს უჭირს 35 წუთის განმავლობაში ერთ ადგილას ჯდომა, მალე იღლებ, ამბობს, რომ ეძინება, შია და თამაშს იწყებს. ასევე ელინდება ჰიპერაქტიურობა, ყურადღების კონცენტრაცია 15 წუთს არ აღემატება, უჭირს დამარცვლით კითხვა, კალმის სწორად დაჭერა და ასოების გამოყვანა. ზოგადად, ხუთი წლის ბავშვს უჭირს სკოლის მიღება, რის გამოც საკმაოდ ბევრმა მშობელმა ბავშვი სკოლიდან გაიყვანა.

საქართველოში არსებული სასკოლო გარემო აბსოლუტურად არ არის მორგებული 5 წლის ასაკის ბავშვის ემოციური და ფიზიკური განვითარების თავისებურებებს, ამბობს ფსიქოლოგი მაია ცირამუა. მისი სიტყვებით, ამ ასაკის ბავშვისთვის უმთავრესია თამაშის გარემო. საქართველოს სკოლებში კი არის თამაშით სწავლების მეთოდიკა, მაგრამ ის არ განსხვავდება მაღალკლასეში არსებული სასწავლო მოდელისგან. ამასთან, მაია ცირამუას სიტყვებით, მშობლებს სასკოლო მზაობის არასწორი გაგება აქვთ: „ბავშვის სოციალური უნარები არ არის გათვალისწინებული, ემოციური მზაობა არ არის გათვალისწინებული და 200 ლექსის ცოდნაზე უფრო პრიორიტეტულია ბავშვის პქონდეს კარგად განვითარებული ნატიფი მოტორიკა, რაც ნაკლებად პრიორიტეტულია ჩვენი მშობლებისთვის. მათთვის უფრო მნიშვნელოვანია, ბავშვმა იცოდეს რაღაც ნაწევრები „ვეფხისტყაოსნიდან“, რაც

დიდი ძალისხმევია და ძალადობის შედეგად აქვს ნახსავლი და აქაც მგონია, რომ პრობლემა გვაქვს, რადგან ჩვენ გვაქვს არასწორი წარმოდგენა იმაზე, თუ რას ნიშნავს სასკოლო მზაობა“.

საქართველოში არ ხდება იმის გამოკვლევა, თუ რა შედეგებს იძლევა 5 წლის ასაკში დაწყებული განათლება მაღალ კლასებში, ან, ჯანმრთელობის თუ ფსიქიკური თვალსაზრისით, რა გამოვლინებებს ვიღებთ ზრდასრულ ასაკში, ამბობს, „ვალდორფის თავისუფალი ბაღის“ აღმზრდელი ნათია რურუა. ამასთან, ნათია რურუას დაკვირვებით, სწორედ 5-დან 6 წლამდე პერიოდში ხდება ბავშვებში უმთავრესი მოტორიკული და კოგნიტური უნარების განვითარება: „როგორ მი-აქვს ამბავი, ჩემგან დაბარებული, სახლამდე და მეერ უკან და რამდენად დროულად; როგორია მისი კონცენტრაციის უნარი, მოსმენის უნარი, ანუ რამხელა ზღაპრის მოსმენა შეუძლია 5 და 6 წლის ასაკში, ისევე როგორც თამაშში ეტეობათ მათ განვითარება, ანუ როგორ ექცევიან პატარებს. ეს იმის მაჩვენებელია, თუ რამდენად ყურადღებიანები არიან და თავის გარშემო არსებულ სოციალურ ადრექვამენ თუ არა. ეს მნიშვნელოვანია კლასში ყოფნისას, რომ ის არ იყოს მარტო და აღიქვას მთელი კლასი“.

პედაგოგებისა და ფსიქოლოგების აზრით, ის 1 წელი, რომელიც მშობლებს მოგებული ერთი წელი ჰგონიათ, ბავშვებისთვის თამაშისთვის წართმეული ერთი წელია, იმ თამაშისთვის, რომელიც მას უმთავრეს ემოციურ და ფანტაზიის უნარებს უვითარებს.

ნინო ხარაძე

სიახლე

დედაძალადის მერიამ 100 ახალი ავტობუსის შესყიდვაზე ტენდერი 4 ნოემბერს გამოაცხადა. ავტობუსების ჯამური ღირებულება 55 550 000 ლარს შეადგენს. ახალი ავტობუსები ე.წ. დიდი „ბოგდანის“ ტიპის ავტობუსებს ჩაანაცვლებს, რომლებიც თავის მხრივ, პატარა ავტობუსებს შეცვლიან. ეს იქნება 12 მეტრის სიგრძის, ამჟამინდელზე 20-25 %-ით მეტი ტევადობის ევროპული სტანდარტის შესაბამისი ავტობუსი, რომელიც არანაკლებ 85 ადამიანს დაიტევს.

ახალ ავტობუსს გააგრძელება-კონდიციონერის სისტემა იქნება, ხოლო ზოგიერთი პატარა ავტობუსი, რომლებმაც რესურსი ამოწურა, ჩამოიწერება. გაბარიტიდან გამომდინარე, ახალი ავტობუსები ძირითადად ცენტრალურ გამზირებზე იმოძრავენ.

მერიის მოთხოვნების შესაბამისად, ავტობუსებში გამოიყოფა სივრცე, მინიმუმ, ერთი ეტილისთვის, შუა კარები აღიჭურვება მექანიკურად გადასასვლელი დაფით, ეტილით ავტობუსში ასვლის უზრუნველსაყოფად. გარდა ამისა, ავტობუსები იმუშავებს ბუნებრივ აირზე, იქნება ეკოლოგიურად სუფთა, აღიჭურვება ხანძარსა და ინალმდეგო სისტემით. კონდიციონერები კი თბილისის კლიმატურ პირობებზე იქნება მოწყობილი.

ალსანიშნავია, რომ სატრანსპორტო საშუალებებში, ასევე, განთავსდება ანტიკანდალური ვიდეომონიტორინგის სისტემა. როგორც ამბობენ, დღევანდელ პირობებში, ეს მეტად მნიშვნელოვანია, რადგან ახლანდელი ავტობუსების ნაწილი სავალალო მდგომარეობაშია და სწორედ მგზავრების მიერაა დაზიანებული. ამ ეტაპზე ცნობილია, რომ ახალი ავტობუსები მწვანე შეფერილობის იქნება.

თავის დროზე, თბილისში ჰოლანდიდან და უკრაინიდან მეორადი (20-25 წლის დაძველებული) ავტობუსების შემოყვანამ აუთოტაჟი გამოიწვია. ზოგს ამ ავტობუსების ყვითელი ფერი აღიზიანებდა, ზოგსაც ის ფაქტი, რომ ამ ავტობუსებში მათ ღირებულებასთან შედარებით, თითქმის, ორჯერ მეტი თანხა იყო გადახდილი და აუცილებელი იყო მათი გადაწყობა თურქეთიდან შემოტანილი სათადარიგო მასალებით. მართალია, გვარნმუნებდნენ, რომ უკრაინული „ბოგდანები“ მეტად კომფორტული, კონდიციონერის სისტემით აღჭურვილი იყო და ყოველ ხუთ წუთში ივლიდა, თუმცა, მგზავრები არა მარტო „ბოგდანის“ ავტობუსების ლოდინს უჩიოდნენ, არამედ იმასაც, რომ ზოგჯერ გადატვირთულ ავტობუსებში უწევდათ ასე-



სასობებით გაღატპირთულ თბილისს 12 მეტრის სიგრძის ავტობუსები შეემატება

ლა. მომხმარებელთა დაცვის ასოციაცია კი ამ პრობლემის მოგვარებას ითხოვდა. ამას დაემატა ტარიფების მატებაც და, ავტობუსებით მოსარგებლე გაჭირვებული ფენისთვის ეს 50-ით-რიახი ტარიფიც მეტად სოლიდური აღმოჩნდა, რომ არაფერი ვთქვათ იმ დისკომფორტზე, რასაც ყოველ გაჩერებაზე ამოსული კონტროლიორები უქმნიან მოსახლეობას.

რამდენად მომგებიანი იქნება დედაქალაქის გადატვირთულ ქუჩებში 12 მეტრის სიგრძის ავტობუსის გადაადგილება? ამ თემასთან დაკავშირებით For.ge თბილისის მერიის ტრანსპორტის საქალაქო სამსახურის უფროსს აკაკი ჯოხაძეს დაუკავშირდა. მისი თქმით, 12 მეტრის სიგრძის ავტობუსი არანაირ პრობლემას არ შეუქმნის დედაქალაქს. პირიქით, გაუმარტივებს მგზავრებს ავტობუსით გადაადგილების საშუალებას. დღესდღეობით ბევრ მარშრუტზე მოთხოვნა დიდია, თუმცა იმის გამო, რომ მერიას არ ჰყავს დიდი ტევადობის ავტობუსი, ჭირს მგზავრთა გადაადგილება.

ამასთან, აკაკი ჯოხაძე აცხადებს, რომ 12-მეტრიანი ავტობუსის შემოყვანის გადანაცვტილება იმ მოტივით მიიღეს, რომ ძირითად მარშრუტებზე, ცენტრალურ გზებზე პიკის საათებში მგზავრთა მომსახურების პრობლემა შეიქმნა. ეს სტანდარტი კი მათ მისცემს საშუალებას, უფრო მეტ მგზავრს ხარისხი-

ნად მოემსახურონ. თანაც, ახალ ავტობუსებს სამი ძირითადი მახასიათებელი ექნება: ყველა ავტობუსი აღჭურვილი იქნება შეზღუდული შესაძლებლობის პირთათვის, კონდიციონერით და, რაც მთავარია, ყველა ავტობუსი იმუშავებს არა დიზელზე, არამედ ბუნებრივ გაზზე. ეს ბევრად ეკონომიური იქნება და 50-ითეთრიახი ტარიფიც ძალაში დარჩება.

„თუ რა ტიპის ავტობუსს შემოვიყვანთ, ამას ტენდერი გვიჩვენებს. გაზაფხულზე უნდა დაიწყოთ ამ ავტობუსების მოწოდება და აგვისტოს ბოლომდე დასრულდეს. ქალაქში ავტობუსების განახლება აუცილებელია, რადგან ჩვენი ავტობუსები მეტნაკლებად მოძველდა. დღეს არსებული დიდი ავტობუსების მარშრუტებს ჩაანაცვლებს ეს ახალი ავტობუსები, შემდეგ უკვე იმ მარშრუტებზე, სადაც დღესდღეობით პატარა ავტობუსები დადის, მგზავრთა მოთხოვნიდან გამომდინარე, „ბოგდანის“ ტიპის დიდ ავტობუსებს დავნიშნავთ,“ – აცხადებს აკაკი ჯოხაძე.

მისივე თქმით, ამ ეტაპზე თბილისში გვყავს 148 დიდი ტევადობის ავტობუსი. მართალია, აკაკი ჯოხაძეს არ ახსოვს, რა დაჯდა ამ ავტობუსების შეძენა თავის დროზე, მაგრამ გვპირდება, რომ გაგვირკვევს. იგი იმასაც აცხადებს, რომ ახალი ავტობუსები ქალაქში, მინიმუმ, 10-12 წლის განმავლობაში იმოძრავენ.

ხოლო უკვე არსებული ავტობუსების ვარგისიანობა დაახლოებით 7-8 წელია.

თუ სად ინარმოება ახალი ავტობუსები, ამ ინფორმაციას აკაკი ჯოხაძე არ ფლობს და განმარტავს, რომ ამას გაციგებთ იმ დღეს, როცა საერთაშორისო ტენდერის გამარჯვებული გამოვლინდება. თუმცა, აზუსტებს, რომ ანალოგიური ტიპის ავტობუსები ამერიკაში, ევროპაში, აზიაში, პოსტსაბჭოთა ქვეყნებში, ანუ მსოფლიოს თითქმის ყველა დიდ ქვეყანაში ინარმოება.

„თითოეული ავტობუსის საბოლოო ფასსაც მაშინ გავიგებთ, როცა ტენდერში გამარჯვებული კომპანია თავის ფასს დაგვიდგენს. ავტობუსების ამ სერვისის მთლიანი ღირებულება კი, სავარაუდოდ, 55 მილიონ ნახევარი ლარია“, – გვითხრა აკაკი ჯოხაძემ.

როგორც For.ge-მ გაარკვია, ახალი ავტობუსების ღირებულება 6-7-ჯერ მეტია ყვითელ ავტობუსებში ე.წ. „ბოგდანებში“ გადახდილ თანხასთან შედარებით. ამდენად, საკრებულოში პირად საუბრებში არ მალავენ, რომ შესაძლოა, ეს თანხები გაბერილი იყოს და თვითმმართველობის არჩევნებში მერიის ინტერესს უკავშირდებოდეს.

ჩვენ თბილისის საკრებულოს იურიდიულ საკითხთა კომისიის თავმჯდომარეს დავით ჯინჭარაძეს დავეუკავშირდით. იგი აცხადებს, რომ ახალი ავტობუსების შეძენასთან დაკავშირებით კონსულტაციები მიმდინარეობს და საკრებულოში მიიჩნევენ, რომ გადასახდელი მოთხოვნა, წინასწარები წესით ამხელა თანხის გადახდასთან დაკავშირებით.

„ჯერ არც ერთი ავტობუსი არ არის შემოყვანილი. ამდენად, გაურკვეველია, ამხელა თანხა წინასწარ რატომ უნდა გადაიხადოს მერიამ. საკრებულოს ჯერ გადაწყვეტილი არ აქვს, ახალი ავტობუსების შემოყვანას მხარს დაუჭერს თუ არა. სავარაუდოდ, გუნდში გადავწყვეტთ ამას. თბილისის საკრებულო არ გამოირიცხავს ამ თემაზე დებატების დაწყებას. ჩვენ კარგად ვიცით, რა არის პრიორიტეტული ქალაქში. ამიტომ, ალბათ, ამ პრიორიტეტებს მივანიჭებთ უპირატესობას, ვიდრე კონკრეტულად ამ ავტობუსების შეძენას“, – აცხადებს დავით ჯინჭარაძე.

ჩვენ ვესაუბრეთ ავტობუსის მძღოლებსაც. ისინი აღნიშნავენ, რომ ავტობუსები ძალიან ხშირად ფუჭდება და ავტობუსი გასაახლებელია. ამას ემატება მათი გამონაბოლქვიც. ამდენად, საჭიროა, ეკოლოგიურად სუფთა ტრანსპორტის შემოყვანა.

მარიამ ლოლაშვილი

ალიან-ჩალიანი

მსს - 2013 წელს დანახული იკლო, დანახულის გახსნის მაჩვენებელი კი მოიმატა

ამის შესახებ სამინისტროს მიერ გამოქვეყნებულ ინფორმაციაშია ნათქვამი, რომელიც 10 თვისა და ოქტომბრის თვის დანახულის სტატისტიკას ეხება.

მონაცემები ასახავს კრიმინოგენური მდგომარეობას როგორც ქვეყნის მასშტაბით, ასევე, რეგიონების მიხედვით. სტატისტიკური მონაცემებით, 2013 წელს, წინა წლის ანალოგიურ პერიოდთან შედარებით, ქვეყნის მასშტაბით დანახულმა 7 112 ერთეულით იკლო, რაც 22,7%-ს შეადგენს, ხოლო დანახულის გახსნის მაჩვენებელმა 40,6%-ით მოიმატა და 59,1% -ია.

შინაგან საქმეთა სამინისტრო ასევე აქვეყნებს ოქტომბრის თვის დანახულის სტატისტიკას როგორც ქვეყნის მასშტაბით, ასევე რეგიონების მიხედვით. 2013 წლის ოქტომბერში ქვეყნის მასშტაბით დანახულის კლება 1004 ერთეულით დაფიქსირდა, რაც 27,6%-ს შეადგენს. დანახულის გახსნის მაჩვენებელი 64,5%-ია და 2012 წლის ანალოგიურ პერიოდთან შედარებით 56,3%-ით მოიმატა.

2013 წლის ოქტომბერში რეგიონების მიხედვით ყველაზე მეტი დანახული იმერეთსა და რაჭა-ლეჩხუმში მოხდა, ყველაზე ნაკლები კი – გურიაში.

შინაგან საქმეთა სამინისტროს ინფორმაციით, იმერეთში, რაჭა-ლეჩხუმსა და ქვემო სვანეთში ოქტომბერში 279 დანახული მოხდა, აქედან გახსნილია 251 შემთხვევა, გახსნის მაჩვენებელი 90%-ს შეადგენს. გასული წლის ოქტომბერში კი 476 დანახული მოხდა, აქედან გახსნილია 63, გახსნის მაჩვენებელი 13,2%-ია. გასული წლის ანალოგიურ პერიოდთან შედარებით დანახულმა 197 (41,4%) იკლო, გახსნის მაჩვენებელმა კი 76,7%-ით მოიმატა.

გურიაში კი მიმდინარე წლის ოქტომბერში მხოლოდ 57 დანახული მოხდა, აქედან გახსნილია 28 შემთხვევა. 2012 წლის ოქტომბერში კი გურიაში 53 დანახული მოხდა, აქედან გახსნილია 3. დანახულმა 4 (5,5%) მოიმატა, გახსნის მაჩვენებელი კი 43,5%-ით გაიზარდა.

ამასთან, ქვემო ქართლში ოქტომბერში 187 დანახული მოხდა, აქედან გახსნილია 110 შემთხვევა. გასული წლის ანალოგიურ პერიოდთან შედარებით კი ამავე რეგიონში 442 დანახული მოხდა, აქედან გახსნილია 25 შემთხვევა. დანახულმა 255 (57,7%) შემთხვევით იკლო, გახსნის მაჩვენებელმა კი 53,2%-ით მოიმატა.

სამეგრელო-ზემო სვანეთში კი ოქტომბერში 143 დანახული მოხდა, აქედან გახსნილია 118 შემთხვევა. გასული წლის ოქტომბერში კი ამავე რეგიონში 234 დანახული მოხდა, აქედან გახსნილია 25 შემთხვევა, გახსნის მაჩვენებელი 10,7%-ს შეადგენს. დანახულის კლება 91 (38,9%) შეადგენს. გახსნის მაჩვენებელმა კი 71,8%-ით მოიმატა.

რაც შეეხება კახეთს, 2013 წლის ოქტომბერში 185 დანახული მოხდა, აქედან გახსნილია 164 შემთხვევა, 2012 წლის ოქტომბერში კი კახეთში 212 დანახული მოხდა. აქედან გახსნილია 44 შემთხვევა. ამ რეგიონში დანახულმა იკლო 27 (12,7%) შემთხვევით. გახსნის მაჩვენებელმა კი 67,9%-ით მოიმატა.

აჭარაში ოქტომბერში 225 დანახული მოხდა. აქედან გახსნილია 143. 2012 წლის ანალოგიურ პერიოდში კი ამავე რეგიონში 269 დანახული მოხდა, აქედან გახსნილია 6. დანახულის კლება 16,4%-ია (44). გახსნის მაჩვენებელმა 61,3%-ით მოიმატა.

გარდა ამისა, შიდა ქართლში ოქტომბერში 104 დანახული მოხდა, აქედან გახსნილია 67 შემთხვევა. გასული წლის ანალოგიურ პერიოდში კი შიდა ქართლში 173 დანახული მოხდა, აქედან გახსნილია 20 შემთხვევა. დანახულმა იკლო 69 (39,9%) შემთხვევით, გახსნის მაჩვენებელმა კი 52,9%-ით მოიმატა.

სამცხე-ჯავახეთში ოქტომბერში 66 დანახული მოხდა,

აქედან გახსნილია 55 შემთხვევა. გასული წლის ოქტომბერში კი აქ 63 დანახული მოხდა, აქედან გახსნილი 12 შემთხვევა. დანახულის მატება 4,8%-ს (3) შეადგენს. გახსნის მაჩვენებელი კი 64,3%-ით გაიზარდა.

მცხეთა-მთიანეთში მიმდინარე წლის ოქტომბერში 90 დანახული მოხდა. აქედან გახსნილია 71 შემთხვევა, გასული წლის ანალოგიურ პერიოდში ამ რეგიონში 78 დანახული მოხდა. აქედან გახსნილია 4, დანახულმა 12 (15,4%) მოიმატა, გახსნის მაჩვენებელი კი 73,8%-ით გაიზარდა.

განახლება ისტატიკის საფარი

როგორც საავტომობილო გზების დეპარტამენტიდან იტყობინებიან, თბილისი-სენაკი-ლესელიძის საავტომობილო გზის ზაჰესი-ნატახტრის 10,73 კმ-იანი მონაკვეთი დედაქალაქის გასასვლელიდან ნატახტრის სატრანსპორტო კვანძამდე გრძელდება და ის ქვეყნის ძირითადი ავტომობილტრალის ნაწილს წარმოადგენს.

დეპარტამენტის ცნობით, აღნიშნული მონაკვეთი ავტოტრანსპორტის, მათ შორის მიმდინარეობის სატვირთო მანქანების მოძრაობის დიდი ინტენსივობით ხასიათდება, რის გამოც ასფალტი მნიშვნელოვნად არის დაზიანებული. ზაჰესი-ნატახტრის მონაკვეთის რეაბილიტაციის პროექტით გათვალისწინებულია ასფალტ-ბეტონის ზედა ფენის განახლება, წყალგამტარი მილებისა და ხელოვნური ნაგებობების მოწყობა, კიუვეტების გაწმენდა, არსებული რკინა-ბეტონის მილებისა და გზის საყრდენი კედლების შეკეთება, საგზაო ნიშნების დამონტაჟება და გზის მონიშვნა, ასევე, აღნიშნულ გზაზე არსებული ესტაკადის, 2 გზაგამტარისა და 2 ხიდის რეაბილიტაცია. ამჟამად, ზაჰესი-ნატახტრის მონაკვეთზე მიმდინარეობს ასფალტ-ბეტონის საცვეთი ფენის განახლების, გზის დაზიანებული კერების დამუშავებისა და გვერდულების გაწმენდის სამუშაოები.

ინტერპრესი

© რას წერენ, რას აზრობენ ჩვენზე

საქართველო ინაუგურაციისთვის ემზადება

საქართველოს ახალი პრეზიდენტი გიორგი მარგველაშვილის ინაუგურაცია კვირას, 17 ნოემბერს გაიმართება. მოსკოვიდან თბილისში ოფიციალურ დელეგაციას არ ელოდებიან: დიპლომატიური ურთიერთობანი რუსეთსა და საქართველოს შორის ჯერჯერობით არ არის აღდგენილი. სამაგიეროდ, ცერემონიაზე მიწვეულია მთავარი პრეზიდენტი მიხეილ სააკაშვილი. მიუხედავად იმისა, რომ ამის წინააღმდეგ გამოდიოდნენ მმართველი კოალიცია „ქართული ოცნების“ ლიდერები, ინაუგურაციაზე მის ყოფნას დაჟინებით მოითხოვდნენ დასავლეთის ქვეყნები.

იმის შესახებ, თუ როგორ გაიმართება ინაუგურაცია, ჟურნალისტებს უამბო საგარეო საქმეთა სამინისტროს ხელმძღვანელმა მაია ფანჯიკიძემ. „ცერემონია არ იქნება პომპეზური. იგი გაიმართება დედაქალაქის რუსთაველის პროსპექტზე ძველი პარლამენტის შიდა ეზოში“, — განაცხადა მინისტრმა. მისი სიტყვებით, საპრეზიდენტო ფიცის დადების შემდეგ გიორგი მარგველაშვილი წავა გმირთა მოედანზე, რათა გვირგვინით შეამოს „საქართველოს ტერიტორიული მთლიანობისთვის დაღუპულ მებრძოლთა“ მემორიალი. ძველი აიგო 2010 წელს და იგი ეძღვნება, მათ შორის, ქართველ მეთაუებსაც, რომლებიც 2008 წლის ხუთდღიანი ომის დროს დაიღუპნენ.

ინაუგურაციის ცერემონია დამთავრდება კონცერტითა და მიღე-

თბილისში დავოზან სარაჟინიანი მიხეილ სააკაშვილის მონაწილეობის შესახებ

ბით უცხოელ სტუმართა მონაწილეობით. ოფიციალური მონაწილეები რუსეთიდან მათ შორის არ იქნებიან. „ჩვენ მოწვევა გავავრცენთ 70 ქვეყანაში, მაგრამ არა რუსეთში, ვისთანაც ჩვენ არ გვაქვს დიპლომატიური ურთიერთობანი“, — ხაზგასმით აღნიშნა საგარეო საქმეთა მინისტრმა. სხვათა შორის, ჩვენი მონაცემებით, ხელისუფლებაში განხილავენ შესაძლებლობას, რუსეთიდან მოიწვიონ კულტურის მოღვაწეები და სამღვდლოების წარმომადგენლები.

ინაუგურაციაზე მიწვევა მიიღეს ქვეყნის ექსპრეზიდენტმა ედუარდ შევარდნაძემ (რომელმაც გაგვაფრთხილა, რომ, შეიძლება, არ დაესწროს ინაუგურაციას „ჯანმრთელობის მდგომარეობის გამო“), და მიმავალმა პრეზიდენტმა მიხეილ სააკაშვილმა. ამ უკანასკნელის მონაწილეობამ ღონისძიებაში ძლიერი დებატები გამოიწვია თბილისში.

რა ამოხანავია საქართველოს წინაშე არჩევის შემდეგ
28 ოქტომბრის საქართველოს ცენტრალურმა საარჩევნო კომისიამ გამოაცხადა ქვეყნის ახალი პრეზიდენ-

ტის სახელი — იგი გახდა კანდიდატი მმართველ კოალიცია „ქართული ოცნებიდან“ გიორგი მარგველაშვილი. ახლა საქართველომ უნდა მიიღოს პასუხები ორ არანაკლებ მნიშვნელოვან საკითხზე.

ცერემონიაზე მიხეილ სააკაშვილის დასწრების წინააღმდეგ მკვეთრი გამონათქვამები გააკეთეს მმართველი კოალიციის „ქართული ოცნების“ ლიდერებმა. „თუ ის მოვა, მე წავალ!“ განაცხადა საპარლამენტო უმრავლესობის ლიდერმა დავით საგანელიძემ. — საქართველო ამთავრებს სააკაშვილის დანაშაულებრივ რეჟიმს, ინაუგურაცია კი უნდა გვიჩვენოს, რომ ახალ ხელი-სუფლებას არაფერი საერთო არ აქვს იმ რეჟიმის დანაშაულებებთან“.

მაგრამ საქართველოს დასავლელ პარტნიორებს ასეთი მიდგომა მიუღებლად მიაჩნიათ. თბილისში აკრედიტებულმა დასავლელმა დიპლომატებმა პრემიერ-მინისტრ ბიძინა ივანიშვილის გუნდს აგრძობინეს, რომ ინაუგურაციაზე მიხეილ სააკაშვილის არყოფნა „გაუგებარი იქნება“. როგორც ამ დღეებში ამერიკის შეერთებული შტატების ელჩმა რიჩარდ ნორლანდმა განაცხადა, საქართველოს საზღვარგარეთელი პარტნიორებისთვის მნიშვნელოვანია „ხელისუფლების მშვიდობიანი, არაძალადობრივი გადაცემა დემოკრატიული არჩევნების გზით“.

Коммерсант

დედამიწის ზურგზე



ნიუ-იორკის მაისის არჩევნებზე დემოკრატმა ბილ დე ბლაზიომ გაიმარჯვა

მომავალ ვადაზე თავის პრიორიტეტებად ბილ დე ბლაზიომ დაასახელა სოციალური უთანასწორობის დონის დაბლა დაწევა, სასკოლო განათლების გაუმჯობესება და სელმისანდომი საცხოვრებლების მშენებლობა. ამ მიზნების მისაღწევად პოლიტიკოსი სთავაზობს, გაზარდონ გადასახადები ოჯახებზე, რომელთა შემოსავალიც წელიწადში 500 ათასზე მეტი დოლარია.

ამერიკელმა თავისი 100 წლის იუბილე პარაშუტიდან სტოპით აღნიშნა

ვერნონ მენარდმა სამხრეთი კალიფორნიიდან თავის ღირსსახსოვარ ასაკში შეასრულა პირველი ნახტომი პარაშუტით, რაზეც მთელი სიცოცხლის განმავლობაში ოცნებობდა. ფრენა 44 წამი გრძელდებოდა. თავად დღევანდელი თავის თავს „თავგადასავლების უშიშარ მძებნელს“ უწოდებს. მისმა საქციელმა გააოცა ყველა — დაწყებული ნათესავებიდან და დამთავრებული გამოცდილი ინსტრუქტორებით.



სიბუხით სირიის გარშემო უარესდება: აშშ-მა აწვი შეიჭრანა ასაღზე საილუმო გავრცელება დაკავშირებით

ამას გარდა, კვლავ გადამიდო შენევაში სამშვიდობო კონფერენციის პერსპექტივა: მისი დაწყება გათვალისწინებული იყო 23 ნოემბრისთვის, მაგრამ რუსეთის ფედერაციის, ამერიკის შეერთებული შტატებისა და გაეროს სამხრეთი კონსულტაციის შედეგად გამოცხადდა, რომ იგი გადამიდო წლის ბოლომდე.

ჩინეთში კომპარტიის რეპრეზენტული განყოფილების მასშტაბურ ააფეთქება მომხდარა: დაიღუპა ერთი კაცი

აფეთქებების სერია მოხდა ჩინეთის ქალაქ ტაიუანში დილით ადრე ჩინეთის კომუნისტური პარტიის შენობასთან, ააფეთქეს მცირე ძალის რამდენიმე თვითნაკეთი ასაფეთქებელი მონოკლინობა, რომლებიც დამუშტული იყო ფოლადის ბურთულებით. დაზიანდა რვა კაცი, ერთ-ერთი მათგანი მძიმე მდგომარეობაშია.

ვენესუელაში დაამტკიცეს გარდაცემული ჩვენის სიყვარულისა და ერთგულების დღე

დოკუმენტში, რომელსაც ხელს აწერს ქვეყნის მოქმედი პრეზიდენტი, აღნიშნულია, რომ ბოლივარიის რევოლუციის ლიდერმა „შეძლო გადაეცია ვენესუელა, რომელიც ჯერ კიდევ ოცი წლის წინათ ჩაფლული იყო კაპიტალიზმის წყვედიანში, იმედით სახსენ ქვეყნად“. ნელს ამიერიდან სადღესასწაულო მ დღეებმერს გათვალისწინებულია მუნიციპალური არჩევნების გამართვა.

კოლუმბიაში ბრაზილი დანდო რუსულ გომეზაშენებს თავის საპარო სიარულით შეაჩაო

ინციდენტი, კოლუმბიის მხარის ვერსიით, 28 ოქტომბერს მოხდა: ორი ბომბდამშენი ტუ-160 ერთ დღეში ორჯერ შეიჭრა ქვეყნის საჰაერო სივრცეში, მიფრინავდა ვენესუელიდან ნიკარაგუაში, ამტკიცებენ ბოგოტაში. თვითმფრინავების გადატაცებისთვის ცაში გაუშვეს გამანადგურებლები. კოლუმბიის საგარეო საქმეთა სამინისტრო საპროტესტო ნოტას ამზადებს.

კამბოჯის ხელისუფლება აიკრებს პოლენსიის დაპატიმრებას ინტერპოლის კამბოჯის განყოფილების ხელმძღვანელი გენერალ-ლეიტენანტი კეო ვანთან. პოლიციაში მიაჩნიათ, რომ ბიზნესმენის დაპატიმრება რთული არ იქნება.

© ზინც მებაპოლისაში ცხოვრობს

დეპრესია დიდ ქალაქში

დიდი ქალაქების მცხოვრებლებს უფრო ხშირად აწამებს დეპრესია, ვიდრე მათ, ვინც პატარა დაბებსა და სოფლებში ცხოვრობს. რატომ ხდება ასე? და როგორ დავიცვათ თავი, თუ არ ვაპირებთ წავიდეთ მეგაპოლისიდან?

იოპკაპეტი

შოტლანდიელი მკვლევრების მონაცემებით, ნაკლებადაქტიური ადამიანები ორჯერ მეტ რისკს ეწევიან, ჩავარდნენ დეპრესიაში, ვიდრე ისინი, ვინც ბევრს მოძრაობს. სამწუხაროდ, ქალაქში ცხოვრება მეტად



განგვანყოფის სავარძლებში ჯდომისთვის, ვიდრე ფიზიკური შრომისთვის. მაგრამ ნუ ვიქნებით ვითარების მონები! იარეთ ფიტნეს-კლუბში, შეიხედეთ აუზში და უბრალოდ გაისიერნეთ. აერობული დატვირთვა ეხმარება ტვინს, მიიღოს აუცილებელი ფანგბადი, ორგანიზმს კი — გამოიმუშაოს ბედნიერების ჰორმონი.

გამოკრთი ბალეოზოკი

განსაკუთრებით თუ იგი „ფონისთვის“ მუშაობს, სანამ თქვენ დაკავებული ხართ საოჯახო საქმიანობით ან საუბრობთ. ასევე უნდა მოვექცეთ რადიოს. ხმაურის ფონი, თუმცა მას ზოგჯერ ვერც ვამჩნევთ, ძლიერ ტვირთავს ტვინს. და მივყავართ დაღლილობასთან, აგრესიასთან, განწყობილების დაქვეითებასთან.

დაგვაგვით

დეპრესიის ერთ-ერთი მთავარი მიზეზია — თანამედროვე ქალაქების „ცოფიანი“ რიტმი. მუდმივ ცაიტნოტსა და ფაქციფუსს ხშირად მივყავართ იმასთან, რომ ადამიანი თავს გრძნობს დაკარგულად, ხდება უფ-

რო შემფოთებული.

ფსიქოლოგები საინტერესო მოვლენას აღნიშნავენ: მეგაპოლისის ბევრ მცხოვრებს ეშინია, გამორთოს მობილური ტელეფონი თუნდაც ხუთი წუთით. ვაითუ, რაღაც მოხდეს, და არ მოახდინოს მასზე დროული რეაგირება. დროის დინებას ვერ შეანელებ, მაგრამ შეიძლება იგი მოაწესრიგო. აუცილებლად დაიცავით დღის რეჟიმი, წინასწარ დაგეგმეთ საქმეები და გამოყავით დღეში სულ ცოტა ნახევარი საათი მაინც მისთვის, რომ მოდუნდეთ. ჩაჯექით სავარძელში, ჩართეთ სასიამოვნო მუსიკა, დახუჭეთ თვალები და ივიქრეთ რაიმე სასიამოვნოზე. მსოფლიო თავის პრობლემებით ამ პერიოდში არ დაინგრევა, თქვენ კი მოიხსნით დაძაბულობას.

გაღით გუნებაში

ვიდეოკამერაში, მეცნიერება, რომელიც სულ უფრო და უფრო იხვეჭს პოპულარობას, ამტკიცებს: ცუდ განწყობილებას გვიქმნის თანამედროვე ქალაქების არქიტექტურაც კი. განსაკუთრებით სახიფათოა საძინებელი რაიონები თავიანთი ტიპური ნაგებობებით, და კაშკაშა ფერების უქონლობით. ფასადების პირდაპირ ხაზებსა და უამრავ ერთნაირ ფანჯრებს ტვინი აღიქვამს, როგორც აგრესიულ გარემოს. და ადამიანი ხდება დათრგუნვილი და აპათიური.

პრობლემა რომ გადაჭრათ, ეცადეთ ხშირად გახვიდეთ ბუნებაში. ტოტებით ერთმანეთში გადახლართული ხეების, ლანდშაფტის უთანაბრობა და შესახედავად სხვადასხვაგვარი სახლების აღქმა აძლევს ტვინს დასვენების საშუალებას და მუხტავს მას პოზიტივით.

შეიძინეთ პაპის გაფხეწილი

სულ ახლახან ამერიკელმა მეცნიერებმა გამოარკვეეს: დაბნძურებული ჰაერი თრგუნავს ტვინის მუშაობას, მივყავართ ასევე დეპრესიამდეც. დაიცავით თავი სახლში მაინც — შეიძინეთ პაპის გაფხეწილი.

იქონიეთ ურთიერთობა მასშტაბთან

ერთი დღის განმავლობაში მეგაპოლისის მცხოვრები უფრო მეტ ხალხს ხვდება, ვიდრე სოფლის მცხოვრები მთელი სიცოცხლის განმავლობაში. თუმცა, ყველა ეს ხალხი მისთვის უცხოა. დიდ ქალაქებში ერთმანეთთან ურთიერთობა უფრო მეტად აქვთ საშუაოზე, ვიდრე ნაკლებად — სულიერი. შედეგი — ემოციური გადაწვა. ნუ დაივიწყებთ შეხედეთ მათ, ვინც თქვენთვის ნამდვილად ძვირფასია. ეს დაიცავთ მართობის შეგრძნებისგან ბრბოში.

© ვიზიტი

უხევედრა ფიბას შტაბ-ბინაში

შპს-მედიკალური ქალაქი ფენევაში მდებარე ფიბას შტაბ-ბინაში გაიმართა შეხვედრა ამ ორგანიზაციისა და საქართველოს კალათბურთის ეროვნული ფედერაციის ხელმძღვანელებს შორის. ფიბას გენერალურ მდივანთან პატრიკ ბაუმანთან და ფიბას განვითარების მენეჯერთან ზორან რადოვიჩთან საქმიანი საუბარი შედგა ფედერაციის პრეზიდენტ ბესიკ ლიპარტიელიანსა და გენერალურ მდივან მერაბ რატიშვილს. შეხვედრის დეტალებზე ჩვენი ფედერაციის მხრიდან მისი მონაწილეები გვესაუბრებიან:

— ეს იყო მორიგი საქმიანი შეხვედრა, რომელსაც ადგილი ყოველწლიურად აქვს. ფიბას ხელმძღვანელობას ჩავაბარეთ ტრადიციული ანგარიში ეროვნული და ასაკობრივი ნაკრებების, მათი ევროპის ჩემპიონატებზე გამოსვლის, ეროვნული ჩემპიონატის, ფიბასა და ფიბა-ევროპის პროგრამების საქართველოში განხორციელების შესახებ.

— საუბარი შეგებოდა რამდენიმე სამართლებრივ ასპექტს, რომელთა დამახინჯებაც საქართველოში გარკვეული დაჯგუფებები ცდილობენ.

— პირველ რიგში, რაც ჩვენთვის იყო მოულოდნელი, ფიბამ წარმოგვიდგინა დოკუმენტი, რომლის თანახმადაც ირკვევა, რომ 2012 წლის 4 და 5 დეკემბერს საკალათბურთო კლუბებს — „სს-აკადემიას“ და „არმიას“ — დაქირავებული ბელგიელი ადვოკატის საშუალებით მიუმართავთ ფიბა-სთვის, რათა ამ უკანასკნელს ეწარმოებინა საქართველოს კალათბურთის ეროვნული ფედერაციის წესდების

რედაქციასთან დაკავშირებით მონიტორინგი და აუდიტი. ფიბამ ძალიან მკაცრად და ერთმნიშვნელოვნად უპასუხა, რომ წესდებთან მიმართებაში ყველაფერი წესრიგშია და ამ საკითხთან დაკავშირებით ფიბა აღარ შეეწუხებინათ, რადგან ეს არის მხოლოდ მისი და მისი წევრი ეროვნული ფედერაციის განსახილველი და შესათანხმებელი საკითხი. ფიბამ ასევე მოუწოდა დაინტერესებულ მხარეს, ეთანამშრომლა საქართველოს კალათბურთის ეროვნულ ფედერაციასთან, თუკი რამ კონკრეტული საკითხი ჰქონდა და ყოველივე მასთან განეხილა.

— ამ ნაბიჯიდან ცხადი ხდება, რომ დაინტერესებულ ჯგუფს თავი

თული კალათბურთის საკეთილდღეოდ.

— ფიბას ხელმძღვანელებთან შეხვედრაზე საუბარი შეგხო ასევე „ეროვნული ფედერაციების სახელმძღვანელოს“, რომლით ცრუ აპელირებითაც მერკანტილური მიზნებით შექმნილი ორგანიზაციის — „კალათბურთელთა კავშირის“ თავმჯდომარე, ფედერაციის პრეზიდენტობის ერთ-ერთი კანდიდატი მიხეილ ახვლედიანი დიდი ხნის მანძილზე ასდევდა ტყუილების ტირაჟირებას და ურცხვად აცხადებდა, რომ ეს სახელმძღვანელო არის კანონი და არა რეკომენდაციები.

— ფიბას გენერალურმა მდივანმა პატრიკ ბაუმანმა პირდაპირ მიგვითხა ამ სახელმძღვანელოს წანამძღვარზე, სადაც შავით თეთრზე წერია: „პატივი გვაქვს წარმოგიდგინოთ ფიბას ახალი სახელმძღვანელო ეროვნული ფედერაციებისთვის. ამ დოკუმენტის მიზანია დახმარების

განევა თქვენი ეროვნული ორგანიზაციისათვის ყოველდღიური საქმიანობის წარმართვაში, კონკრეტული რჩევების შეთავაზებით სხვადასხვა მიმართულებით... ეს დოკუმენტი გთავაზობთ მეგობრულ რჩევებს, რომლებიც თქვენ დახმარებენ ინსტრუქციების სახით შეგიძლიათ გამოიყენოთ ყოველდღიურ მუშაობაში.

ამიტომ ისარგებლეთ ამ სახელმძღვანელოთი თქვენთან არსებულ გარემოზე მისადაგებით და ახალ დონეზე გადაიყვანეთ თქვენი ორგანიზაცია, და რაც ყველაზე მნიშვნელოვანია, ხალხით გააკეთეთ ეს!

— ამით ნათლად გამოაშკარავდა ახვლედიანის მორიგი ტყუილი, რომელიც ყველა დაშვებით თუ დაუშვებელი გზით ცდილობს ხელში ჩაიგდოს კალათბურთის ეროვნული ფედერაციის პრეზიდენტის პოსტი.

ვიტალი ჯაფარიძე

© ფეხბურთი

ვისთვის პირველი...



ჩემპიონთა ლიგის ჯგუფური რაუნდის მეორე წრის სტარტზე პირველი ქულები მოიპოვეს სან-სებასტიანის „რეალ სოსიედადმა“ და ბრიუსელის „ანდერლექტმა“, თანაც ამ უკანასკნელმა ტურნირში პირველი გოლი გაიტანა.

ბასკთა და ბელგიელთა, აგრეთვე ჩეხური „პლზენის“ მსგავსად, ჯერაც მოუგებლად თამაშობს ერთ-ერთი უმთავრესი ფავორიტი ტურნის „იუვენტუსი“, თუმცა, მათგან განსხვავებით, კვლავაც ინარჩუნებს პლეი-ოფში გასვლის შანსს.

კარლო ანჩელოტის ძველი და ამჟამინდელი კლუბების მატჩი იმითაცაა აღსანიშნავი, რომ კრიშტიანუ რონალდუმ სახელოვანი წინამორბედის რაულის შედეგიანობის რეკორდი გაიმეორა (ჯგუფურ ეტაპზე — 8 გოლი) და დარჩენილ ორ შეხვედრაში, ალბათ, გააუმჯობესებს კიდევ (პარიზელთა ლიდერ იბრაჰიმოვიჩზეც იგივე ითქმის — 7 ბურთი). და კიდევ: „რეალს“ „პეზერ ქალბატონთან“ იტალიაში უკვე 51 წე-

ლიწადია არ გაუმარჯვია და ნავსი ვერც ამჯერად გატეხა.

IV ტურის სრული შედეგები: „ა“ ჯგუფი. „რეალ სოსიედადი“ — „მანჩესტერი“ 0:0, „შახტარი“ — „ლევერკუზენი“ 0:0.

„მანჩესტერი“ — 8, „ლევერკუზენი“ — 7, „შახტარი“ — 5, „რეალ სოსიედადი“ — 1 ქულა.

„ბ“ ჯგუფი. „იუვენტუსი“ — „რეალი“ 2:2, „კოპენჰაგენი“ — „გალათასარაი“ 1:0.

„რეალი“ — 10, „გალათასარაი“, „კოპენჰაგენი“ — 4-4, „იუვენტუსი“ — 3 ქულა.

„გ“ ჯგუფი. „პარი სენ-ჟერმენი“ — „ანდერლექტი“ 1:1, „ოლიმპიკოსი“ — „ბენფიკა“ 1:0.

„პარი სენ-ჟერმენი“ — 10, „ოლიმპიკოსი“ — 7, „ბენფიკა“ — 4, „ანდერლექტი“ — 1 ქულა.

„დ“ ჯგუფი. „პლზენი“ — „ბაიერნი“ 0:1, „სიტი“ — ცსკა 5:2.

„ბაიერნი“ — 12, „სიტი“ — 9, ცსკა — 3, „პლზენი“ — 0 ქულა.

გიორგი შოთაძე

© ჩოგბურთი

ჯოკოვიჩი და ნაღალი მოგებით იწყებენ



ნოვაკ ჯოკოვიჩმა ლონდონის წლის შემჯავებული ტურნირის სასტარტო მატჩში როჯერ ფედერერს 6:4, 6:7, 6:2 მოუგო და 32 წლის შეიკარიელთან ურთიერთშეხვედრათა ანგარიში 15:16 გახადა. როჯერთან მომდევნო დაპირისპირებისას „ნოლეს“ პირადი შეხვედრების ბალანსის გაწონასწორების შანსი მიეცა.

ფედერერთან პაექრობისას ჯოკოვიჩმა 2 საათსა და 22 წუთში 9 ეისი შეასრულა და არგენტინელ

სუან მარტინ დელ პოტროსთან ერთად A ჯგუფს სათავეში ჩაუდგა.

კლასიფიკაციის ლიდერ რაფა ნადალს რაც შეეხება, B ჯგუფში მალიორკელმა ვალენსიელ დავიდ ფერერს იოლად, საათსა და 14 წუთში 6:3, 6:2 მოუგო და პარიზში განცდილი მარცხისთვის რევანში აიღო. რაფამ 21-ე დამარცხა დავიდი, თავად კი ფერერთან 5 მატჩი აქვს ნაგებული.

„ეს მოგება მეტ დამაჯერებლობას შემძენს. მოუხდევად იმისა, რომ დასვენების დრო პრაქტიკულად არ მაქვს, ვავრინკასთან დაპირისპირებას მზადყოფნაში შევხვდები“, — განაცხადა ნადალმა და დასძინა, ლონდონში ჩემი მიზანი უკვე რეიტინგში პირველი ადგილის შენარჩუნება კი არაა, მთლიანად ტურნირის მოგებააო.

თუკი რაფა ნადალი მომდევნო შეხვედრაში სტანისლას ვავრინკას დაამარცხებს, სეზონს პირველი ჩოგნის რანგში დაასრულებს.

მანუჩარ გიორგაძე

© რაგბი

რამდენიმე დღე დასვენება და მერე ისევ მუშაობა

საძარტმელოს 19-წლამდე მორაგბეთა ნაკრები თბილისში დაბრუნდა, მაგრამ მწვრთნელები და მორაგბეები უკვე მსოფლიო თასის „ალაფაზე“ და იქ საჩვენებელ შედეგზე ფიქრობენ.

დავით ვართიანიანის შეგირდებს სპორტისა და ახალგაზრდობის საქმეთა სამინისტრომ უმასპინძლა, მაგრამ დროის სიმცირის გამო ყველა ევროშეულ პრესკონფერენციას ვერ დაესწრო. სამაგიეროდ, სამინისტროს მხრიდან ითქვა, რომ ამ ბიჭების გარჯა საქართველოს რაგბის კავშირს დაუფასდება და ქართულ რაგბის სახელმწიფოსგან ყურადღება არ მოაკლდება:

—სასიამოვნო ამბისთვის შევიკრიბეთ და მიიღო ყველას მივულო-

ცო ეს დიდი წარმატება. კიდევ ერთხელ დადასტურდა, რომ რაგბი ჩვენი თამაშია. შედეგები თვალსაჩინო და ხელშესახებია და სრკ იმსახურებს სახელმწიფო პროგრამით მხარდაჭერას. ეს ახალგაზრდები ღირსეულად გიგის დაიჭერენ ეროვნულ გუნდში. კიდევ ერთხელ დიდი მადლობა ამ ბიჭებს — თქვა სპორტის დეპარტამენტის უფროსმა ირაკლი დოლაბერიძემ.

გუნდის ერთ-ერთმა მწვრთნელმა **ზურაბ ამონაშვილი** დაამატა: „ეს წარმატება ოჯახებიდან მოდის და მადლობა მიიღო ვუთხრა ყველა იმ ბიჭის ოჯახს, რომლებმაც ხსენებული ჩემპიონატში მონაწილეობა მიიღეს. მადლობა მათ კლუბებსაც, რადგან ფიზმოშა-

დებით ყველა გუნდს ორი თავით ვჯობდით. ამ ეტაპზე მიზანი გამარჯვება იყო, მაგრამ წინ უფრო დიდი მიზანი გვაქვს — მსოფლიო „ალაფაზე“ წარმატების მიღწევა. ყველამ ერთხმად აღნიშნა, რომ ევროპის ჩემპიონატზე მეტოქეებზე ერთი თავით მაღლა ვიდებით, მაგრამ ხარვეზები მაინც გვექონდა და მათ გამოსწორებაზე უნდა ვიმუშაოთ. ფაქტობრივად, ყველაფერი ნულიდან უნდა დავიწყოთ — მოთამაშეთა სელექცია, თამაშების ანალიზი. 2-3 დღე დავისვენებთ და მუშაობის პროცესი სელექციით განახლდება“.

საბა შუბითიძე (კაპიტანი): „მადლობა ყველას, ვინც გვერდში გვედგა. ბიჭები ერთიანები ვიყავით და შედეგიც სახეზეა. უფრო მეტიც, გია ნიჟარაძისგან, ირაკლი აბუსერიძისგან და მთელი საქართველოსგან მუდამ ვგრძნობდით მხარდაჭერას და ეს ძლიერ წაგვადგა“.

გაუან დოლიძე

© ინტერნეტიდან

პუიოლა ცოლი გააკრიტიკა

კატალუნიის „ბარსელონას“ კაპიტანი კარლეს პუიოლი ძალიან დაღალა თავისი ცოლის, ცნობილი მოდელის მალენა კოსტას მომთხოვნა ბუნებაში და სუშტურებში და როგორც ერთ-ერთ ესპანურ ტელეშოუში ნახევრად ხუმრობით განაცხადა, უახლოეს მომავალში ოჯახის ბიუჯეტის გეგმიურად ხარჯვას აპირებს.

ჟურნალისტის შეკითხვაზე, რამდენად უსრულებს პუიოლი თავის ცოლს თხოვნებს, კარლესი თურმე ძალიან გაცხარდა და დაუფარავად თქვა, რომ მისი შემოსავლის დიდი ნაწილი სწორედ ცოლის სურვილებს ხმარდება და ბევრი მამაკაცი არ ეგულება, რომელიც მასავით ანებივრებდეს ცოლს.

მალენა კოსტა და კარლესი პუიოლი ორი წელია, რაც ოფიციალურად ჯვარდანიერულ ცოლ-ქმრად ითვლებიან. მანამდე ეს წყვილი ოთხი წელი ერთად ცხოვრობდა, მაგრამ დაქორწინება მალენას სურვილი იყო და პუიოლმა ეს სურვილიც აუსრულა. ამის შემდეგ კი დაიწყო, რაც დაიწყო...

როსტომ რაჭველიშვილი



⊗ დედაქალაქი

ნაგვის ბუნებრივი...
გოგლას კეგლის ფონზე

გარემოსდაცვითი საარსებო საფუძველი, რომელიც თბილისის ქუჩების დასაფარავნების მხრივ შიგადაშიგ წარმოიშვა, ხოლო, დედაქალაქში ბოლო წლებში ეს პრობლემა რომ გადაწყვეტილია, ამის მოწმენი ყველანი ვართ.

ზოგიერთ უბანში დასაფარავნებასთან დაკავშირებული შეფერხებები უმეტეს შემთხვევაში გარკვეული ტექ-

ნიკური გარემოებებითაა ხოლმე გამოწვეული და, როგორც წესი, მალევე აღმოიფხვრება. მოთუთიებული ნაგვის ბუნებრივებისთვის დედაქალაქის ქუჩების უმეტეს ნაწილში ფეხით მოსიარულეთა ტროტუარებზე საგანგებო ნიშნები მოსახლეობისთვისაც მოსახერხებელია და საგზაო მოძრაობასაც არ უშლის ხელს.



⊗ ახლახან გამოვიდა

გვაბრძნობინებს ფშავის სიახლოვეს...

ფშავს, გენიალური გაფას მშობელ კუთხეს, აბა, პრობლემებს რა გამოუღვებს. ჰოდა, ამ პრობლემების გადაჭრისთვის თავის ავტორიტეტულ სიტყვას არ იშურებს ფშავის აღორძინება-განვითარების კავშირის გამგებობის პერიოდული ორგანო — „მომავალ-მომავალი, ძმებო“, რომლის მთავარი რედაქტორია ცნობილი ჟურნალისტი ნვითისაზარ არჩიშაშვილი.

აი, ამ გაზეთის სექტემბერ-ოქტომბრის ნომერიც გამოსულა, რომელშიც სწორედაც რომ ძირითადად

ფშავის პრობლემებზეა ყურადღება გამახვილებული.

ამ მხრივ საყურადღებოა გაზეთში დაბეჭდილი საქართველოს ა/ო კავშირის „ფშავის აღორძინება-განვითარების“ გამგებობის თავმჯდომარის როსტომ მანჩოშვილის სტატია: „იმედით ფშავის მომავლისა“, რომელშიც ავტორი ბევრ საგულისხმო ფაქტს უმხელს მკითხველს და, ბოლოს, როგორც სათაურიდან ჩანს, დიდი იმედით აქვს ამ კუთხის მომავლისა.

აბა, ფშავის ყოველდღიურობაზე

ოლონდ ერთი კია: ნებისმიერ კარგად მოფიქრებულ საქმეს წესიერად შესრულება სჭირდება, თუ არა და მთელი სიკეთე წყალში გადაიყრება. ამ შემთხვევაში, ლაპარაკი სწორედ ნაგვის ბუნებრივების მიმართ ადგილების ზოგჯერ აშკარა შეუფერებლობაა, როგორც ეს, კერძოდ, 9 აპრილის სახელობის (ყოფილი ალექსანდრეს) ბაღის ქვედა ნაწილის შესასვლელშია. წესით და რიგით, ბაღში შესულ კაცს პირველი ჩვენი სასიქადულო მწერლის გოგლა ლეონიძის ძველი უნდა ეგებებოდეს და არა ის ორი... ნაგვის ბუნებრივი, რომელიც ამ ადგილისთვის არაა თუ შეუფერებელი, ცოტა არ იყოს, შეურაცხყოფელიც კია. გასაკვირია, ნუთუ ამ სანაგვეებისთვის სხვა, უფრო შესაფერისი ადგილი ვერ მოძებნა მისმა დამპროექტებელმა? განა რა აუცილებლობაა, რომ ნაგვის ბუნებრივს „ფონად“ ჩვენი საამაყო მამულიშვილის ძველი ჰქონდეს? სხვა თუ არაფერი, ამ გორგოლაჭიანი ყუთებისთვის ადგილის მიჩენა ათონელის ქუჩაზე ბაღის მხარეს ძველისგან მოშორებით სავსებით შესაძლებელია. მით უმეტეს, რომ თავად ბაღის ტერიტორიაზე ლამის ყველა ძელსკამთან ცალკე ურნა დგას, ხოლო ახლო მომავალში იქ საქართველოს პრეზიდენტის რეზიდენცია განთავსდება?

ნინო ალექსანდრია
ელგუჯა ნადაგიშვილის
ფოტო.



მოსაუბრე გაზეთი, ულექსოდ დატოვებდა მკითხველს? ჰოდა, გვაცნობს კიდევ მიტროპოლიტ თადეოზის — მირიან იორამაშვილის რჩეულ ლექსებს, დაბადების 70 წლისთავს ულოცავს შესანიშნავ პოეტს ჯარჯი ფხოველს და არც ფშავის ყოველდღიური ცხოვრების აღმწერსველი ინფორმაციები ავინყდება.

ისე, ამ კარგი გაზეთის პერიოდულობას თუ მოუხსირებთ, მხოლოდ და მხოლოდ, საქმეს წაადგება, ბატონებო!

აკა მაღლაკალიძე

სულთათანა

მამუკა მაისურაძის
უნუგეშო მონატრება

შვილის მონატრებაზე

ძნელი არაფერი ყოფილა...

20 წელი გავატარე უშე-

ნოდ ტანჯვაში, ჩემო სია-

მაყვე, ჩემო პატარავ. რა

ბედნიერი დედა ვიყავი 20

წლის წინათ, შვილო! 7 ნო-

ემბერი უმძიმესი დღეა ჩემ-

თვის, ამ დღით მოგისპეს

სიცოცხლე, უგუნურთა მი-

ერ მოგონილი ძმთამკვლე-

ლი, აუხსნელი ომის

მსხვერპლი გახდი... 25 წე-

ლი იცხოვრე ამ ქვეყნად;

როცა ყველაფერი გიხარო-

და, სწორედ მაშინ გამოგა-

სალმეს სიცოცხლეს. დღეს

ხომ 45 წლის ვაჟკაცი მეყოლებოდი, ჩემო უსაყვარ-

ლესო, კეთილო, ჭკვიანო, ოცნებებსა და მარად სიჭა-

ბუეკში ჩარჩენილო ჩემო სიამაყე და ანგელოზად ქცე-

ული შვილო! ღირსეული, სუფთა ნაბიჯით შენ შეძელი

შენი სახელის უკვდავყოფა. შენისთანა ახალგაზრ-

დების სიცოცხლე ღმერთმა სიბერისთვის არ გაიმე-

ტა, 25 წლისას დაგატოვებინა ეს სამზეო ბედისწერამ,

სიკეთით და სიყვარულით გამორჩეულს, მარადიული

სიჭაბუკე გარგუნა. დედის ღოცვა და ანთებული სან-

თლები გაგინათებს უფლის გზას. სიკვდილი ჩემთანაც

მოვა და სიხარულით გამოვყვები იქ, სადაც შენ მე-

ლოდები, ჩემო მონატრებულ ბიჭო, შენს ძმასთან და

მამასთან ერთად...

ღმერთო, სამოთხეში ამყოფე ჩემი მონატრებული

ქმარ-შვილი იქ, სადაც მართალნი განისვენებენ...



შენი სულისთვის მლოცველი დედა
თინათინ პაპალიძე-მაისურაძე

რეკლამა გ. ახვლედიანის ქ. №19.

„საქართველოს
რესპუბლიკაში“
299-62-77;
599 32-85-76.

⊗ გული გაინც გულს

გვიანი სიყვარული

ასაკი სექსისტოვის დაბრკოლება არაა

სიმცხის შემოდგომას ბევრი ამალეღვებული შესვენდა შეუძლია მოგვითანოს... არ არის საჭირო, ჩავიკეტოთ ოთხ კედელში და შევეცადოთ, დაგებრდეთ დროზე ადრე! ჩვენი ექსპერტია — საოჯახო კონსულტანტი ნატალია გომეზიშვილი.

საერთო მდგომარეობა აახლოვებს

ივან გენადის ძე და გალინა ვასილის ასული ოცდაათ წელზე მეტია იცნობენ ერთმანეთს. ერთად მუშაობდნენ პეტერბურგის ერთ-ერთ საპროექტო ინსტიტუტში. ივან გენადის ძე სათავეში ედგა ხარჯთაღრიცხვის განყოფილებას, გალინა ვასილის ასული კი მრავალი წლის განმავლობაში მთავარი ბუღალტრის მოადგილე იყო.

მეგობრები ისინი არასოდეს ყოფილან, იყვნენ უბრალოდ კეთილი ნაცნობები და კოლეგები. ხუთი წლის წინათ თითქმის ერთდროულად გავიდნენ პენსიაზე. ივან გენადის ძეს მაშინ 63 წელი შეუსრულდა, გალინა ვასილის ასულს კი — 61 წელი. მოხდა ისე, რომ სამი წლის წინათ თითქმის ერთდროულად ორივე დაქვრივდა. „მეორე ნახევრების“ იმქვეყნად წასვლის მიზეზიც ერთნაირი იყო: საშინელი ავადმყოფობა — კიბო. ონკოლოგების ყოველგვარი მცდელობა უნაყოფო აღმოჩნდა...

საერთო მწუხარება აახლოვებს ადამიანებს. დაქვრივებული პენსიონერები ხვდებოდნენ ერთმანეთს, რომ გაეზიარებინათ მწუხარება თავს დატყბილი სიმარტოვის გამო...

დაუპატიჟებელი სტუმარი
საპინეზოში

იმ დღესაც მათ გადამწყვეტს შეხვედროდნენ ერთმანეთს, რათა ენახათ ევრანზე ახლად გამოსული ნიკიტა მინალკოვის ახალი ფილმი. როდესაც ფილმი დათავადდა, ქუჩაში ძლიერი წვიმა იყო, და გულმტკიცაწმა ქალმა მიიწვია კავალერი თავის სახლში.

საუბარი ფინჯან ჩაისთან გაჭიანურდა გვიან საღამომდე. ქუჩაში კი კვლავ წვიმდა. ქალბატონმა გალინამ სტუმარს სასტუმრო ოთახში ტახტზე ლოგინი გაუშალა, უსურვა მას ღამე მშვიდობისა და წავიდა საძინებელში.

ქალბატონ გალინას გავლცა იმის გამო, რომ ვიღაც მისთვის საბნის გადაძრომას ცდილობდა. შეშინებულმა და გაოგნებულმა ქალმა დაინახა... ბატონი ივანი. ის შიშველი იყო. სრულიად შიშველი. ქვედა თეთრეულიც არ ეცვა. ქალმა ჯერ მო-

ინდომა დაეყვირა და გამოეგდო საძინებლიდან დაუპარტიყე ბელი სტუმარი, მაგრამ რატომღაც გაშტერებული გაიყინა... ჭაღარა კავალერმა არ დაიწყო დროის დაკარგვა. მან გულში მაგრად ჩაიკრა დაბნეული ქალბატონი. მათი ტუჩები ერთმანეთს გადაეკონა... ეს ღამე იყო გრძელი და ვნებიანი. გალინა ვასილის ასულს მოეჩვენა, რომ იგი გაახალგაზრდავდა მინიმუმ ოცი წლით...

დაუძვარილი განცხადება

„შენი განცხადებას შევითან პოლიციაში, ბებერო გარყვნილო ისარგებლე ხომ სუსტი, დაუცველი მისუცით...“ — მოჩვენებითი სერიოზულობით განუცხადა დილით გამოუძინებელმა, მაგრამ ბედნიერმა პეტერბურგელმა ქალბატონმა. „აუცილებლად შეიტანე! დღესვე!“ — კმაყოფილების ღიმილით დაუჭირა მხარი ამ იდეას გმირმა-საყვარელმა, რომელმაც თავისი თანამგზავრის სიტყვები ერთგვარ კომპლიმენტად აღიქვა. საუზმის შემდეგ მამაკაცი წავიდა თავის სახლში, მაგრამ რამდე-



ნიმე საათის შემდეგ ისევ მივიდა თავის მეგობართან, ვარდების დიდი თაიგულიც არ დაეწივებია, აგრეთვე ტორტი და ერთი ბოთლი შამპანიურიც.

რას იტყვიან მეზობლები?

ბავშვებ თითქმის ერთი წელი, რაც ხანდაზმული ადამიანები სრულფასოვანი წვეილი გახდნენ. ერთი-მეორესთან გადასვლას ისინი ჯერჯერობით არ აპირებენ. ქორწილზეც არ ყოფილა საუბარი. მაგრამ დროს ერთმანეთთან დიდხანს ატარებდნენ. ურთიერთობის დასაწყისში ქალბატონ გალინას რცხვენოდა, როდესაც მისი მეგობარი მასთან ღამით რჩებოდა. მას ერიდებოდა მეზობლებისა, აგრეთვე საკუთარი ქალიშვილებისა, რომლებიც, მართალია ცალკე ცხოვრობენ, მაგრამ სწორად მიდიან დედასთან.

მაგრამ ყველაფერი გაცილებით იოლი და მარტივი აღმოჩნდა, ვიდრე ამას ინტელიგენტური ქალბატონი წარმოიდგენდა. და გალინას ორივე ქალიშვილი და ივანის ორი ზრდასრული ვაჟიშვილი კეთილი განწყობილებითა და დელიკატურად მოუკიდნენ თავიანთი მშობლების გვიანდელ რომანს. მეზობლებიდანაც არავის გამოუთქვამს არანაირი გესლიანი რამ და არ გამოუმჟღავნებია უტაქტობა.

არაფერი ადამიანური
უცხო არაა

ისინი, ვინც ფიქრობს, რომ ჩვენს გზებებსა და ბაბუებს აინტერესებთ მხოლოდ წინდებებს დაკეცვა, კროსკორდების ამოსნა, აგარაგზე კიტრის წილის დამზადება და ექიმებთან სიარული, დიდად ცდებიან. ხანდაზმული ადამიანებისთვის არაფერი ადამიანური უცხო არაა. „ცხოვრების შემოდგომის“ დროს სავსებით შესაძლებელია სიყვარულიც, ეჭვიანობაც და, რასაკვირველია, სრულფასოვანი ინტიმური ურთიერთობანიც. ძლიერი სქესის წარმომადგენლებს აქვთ უნარი შეინარჩუნონ პოტენცია სიბერემდე. სქესობრივი აქტების რაოდენობა ხანდაზმულ ასაკში ქვეითდება, თუმცა საყვარელ ადამიანთან სხეულის ერთობის ბედნიერება უცვლელი რჩება.

აუცილებელია მამაკაცის
„აღზნება“

„კლიმაქსის შემდეგ ქალებში სექსუალური სურვილი იზრდება. „ექსპერტები“, ვინც ამტკიცებს, რომ ხანდაზმულებს სექსი არ სჭირდებათ, შორს არიან რეალობისგან“, — გვარწმუნებს ალექსანდრე ასული.

ინტიმური ურთიერთობანი ხანდაზმულ ასაკში შესაძლებელია ახალ პარტნიორებთანაც, მრავალწლიანი ცოლქმრობის დროსაც, „მთავარია, რომ ქალი თავად იჩენდეს ინიციატივას, ცდილობდეს, შეანჯღრიოს მამაკაცი“, — გვიზიარებს თავის გამოცდილებას 66 წლის ზოია ფელიქსის ასული.

ПОНЕЖИ
АКТЫ

© აკითხველმა ლეონი შამოგვთავაზა...

გერა გერაზე ყიდის გაზეთებს...



უკან მოხედვას ვერც კი მოასწრებ, წლები შრომისა ისე გარბიან, ვნერ ამგდარზე, ვინც თვის ცხოვრება მიუძღვნა ქართულ პოლიგრაფიას.

მას ვერა ჰქვია, სამხარაძეა, სიჭარმაგისკენ დრო მიაქანებს, წლების მანძილზე იგი სტამბაში დასტრიალებდა საბეჭდ მანქანებს...

დღეს კი სხვა დროა, სხვა ვითარება, კაპიტალიზმი „ტანგოს“ გვატყევეს, და რახანია, სტამბის კედლებთან ვერა ვერაზე ყიდის გაზეთებს.

შუახანი ზანდარაშვილი

© გაითვალისწინეთ!

ცურვა ციფრებსა და ფაქტებში

8 მილიონი წლის წინათ თანამედროვე ადამიანების წინაპარი წყალზე მელეთა წესით ცხოვრობდა, საკვებს თხელ წყალში მოიპოვებდა, მაშინ ისწავლა მან ცურვა.

ცურვის ყველაზე ძველ სტილად ბრასი ითვლება. სურათი ბრასით მცურავი ადამიანის გამოსახულებით თარიღდება ქვის ხანით.

წყალში ადამიანი 90 პროცენტით უფრო მსუბუქად გრძნობს თავს.

ცურვა — თხილამურებით სირბილის შემდეგ

ყოველდღიური 30-წუთიანი ცურვა ზრდის ქალეზისა და მამაკაცების ლიბიდოს.

30 წუთის განმავლობაში ბრასით ცურვის დროს იწვის 360-მდე კილოკალორია. ამ სტილის დროს ყველა კუნთის 70 პროცენტამდე მუშაობს.

კარგად რომ ვიცუროთ, საჭიროა ღრმად და სწორად ვისუნთქოთ. ცურვა ტვირთავს სასუნთქ მუსკულატურას, აძლიერებს ფილტვების ვენტილაციას, აფართოებს მკერდის უჯრედებს.

ახალშობილის მე-3 კვირას მას შეიძლება ვასწავლოთ ცურვა. მე-3 თვის შემდეგ თანდაყოლილი უნარი იყვენ წყლის ზედაპირზე — ახალშობილებს უჭრებათ.

ცურვა ციფრებსა და ფაქტებში ამაღლებს ჰემოგლობინის დონეს, ზრდის სასქესო ჰორმონების გამოშვებას, აუმჯობესებს სისხლის მიმოქცევას (მათ შორის ტვინისაც), ანელებს უჯრედების დაბერების პროცესებს.

ცურვის მოყვარულები იმცირებენ მიპერტონიის განვითარების რისკს.



სპორტის მეორე სახეობაა, რომელიც წვრთნის კუნთების ძირითად ჯგუფებს.

50-80 პროცენტით მეტ სითბოს გადაცემს ჩვენი სხეული წყალში, ვიდრე ჰაერზე, ამის წყალობით აქტიური სდება ნივთიერებათა ცვლა. ასე რომ, ცურვა იდეალურია მათთვის, ვისაც გახდომა სურს.

წყალში განიტვირთება საყრდენ-მამოძრავებელი აპარატი, სწორედ ამიტომ ტრავმების შემდეგ და ხერხემალთან დაკავშირებული პრობლემების დროს გვირჩევენ ჯანაშრთელობა აღვიდგინოთ წყალში.

2007 წელს მთელი ამაზონი (5268 კილომეტრი) 66 დღეში გადაცურა მარტინ სტრელმა, ვისი სახელიც შეტანილია გინესის რეკორდების წიგნში. დღე-ღამეში ის მხოლოდ 5-5 საათს ისვენებდა.

იაპონიაში ცურვა აუცილებელი სასკოლო საგანია.

კუნთოვან და გამხდარ ადამიანებს ნაკლები ცურვაა აქვთ. მათ უჭირთ წყალზე წოლა უძრავად, სამაგიეროდ, ისინი იოლად ავითარებენ სიჩქარეს. სრულად ადამიანს — კარგი ცურვაა ახასიათებს, მაგრამ მას უჭირს შეინარჩუნოს უძრავი მდგომარეობა წყალზე.

© ჩვენი პრესდაიჯესტი

გაქმნიან გაზეთები



„მაპა ჩიჩუას პირველ ლედობას“ არ აპატიებენ!

— მაპას ისინი ლანძღავენ, ვინც მას არ იცნობენ, — ამბობს ფსიქოლოგი გია ჯაფარიძე, — ესაა ჩვენი სენი: მაკას პირველ ლედობას არ აპატიებენ. ამიტომ, მაკა ნერვებს ძალიან უნდა გაუფრთხილდეს და ლანძღვა გულთან ახლოს არ მიიტანოს. მშვენიერი გარეგნობა აქვს, თან ჭკვიანი და ნიჭიერი. ჰოდა, თავისი მდგომარეობა შეიფეროს, ამ გაავებულ ხალხს კი, ვერავე მოერევა.

„ძარბაზი სიტყვა“

საანდალური ინფორმაციები სააკაშვილის პარიზულ ვიზაზე

საზრანბათში მოღვაწე ქართველი ჟურნალისტი გიორგი ფოფხაძე „ალიას“ იმ კულუარულ დეტალებს უმხელს, რატომ იყო მიხეილ სააკაშვილი პარიზში, რატომ შეხვდა ყოფილ პრეზიდენტ სარკოზის და რატომ ამბობენ უარს ცნობილი ფრანგი ადვოკატები კეზერაშვილის დაცვაზე, რეალურად, რა იმალება კეზერაშვილის საანდალური საქმის მიღმა?

— ის რამდენიმე დღე პარიზში დარბოდა, ქართველების დასანახად, თითქოს, წიგნებს ყიდულობდა, დარბოდა ბიბლიოთეკაში. არადა, საქმე სულ სხვაგვარადაა. აი, ზოგი რამ:

— დაზუსტებული ინფორმაციით, მიხეილ სააკაშვილი მოლაპარაკებას აწარმოებს ბატონ ჯოელ ლევისთან. ეს არის იმდენად ცნობილი ადვოკატი, რომ მასზე ფილმებს იღებენ. როგორც ინფორმაცია მაქვს, კეზერაშვილის საქმეს ლევი ხელს არ ჰკიდებს. ასევე სააკაშვილს მოლაპარაკებები ჰქონდა საფრანგეთში ცნობილ ადვოკატთან, ბატონ ერიკ დიუპან მორეტისთან. ეს არის მაღალი დონის ადვოკატი და უარი თქვა კეზერაშვილის დაცვაზე. როცა გავიკითხე, მიპასუხეს, რომ ის არ იღებს ტერორისტების საქმეს და ასევე იარაღით ვაჭრობის საქმეს.

„ალია“

მთავრობა მცირე მენარმეებისთვის სავაჭრო სააგენტოს ხსნის

მთავრობა მცირე და საშუალო ბიზნესის ხელშეწყობა პროექტზე მუშაობს. სპეციალურად ამ მიზნით, ეკონომიკის სამინისტროს შემადგენლობას დაემატება ახალი სააგენტო, რომელიც ხელისუფლებას მცირე მენარმეების განვითარების გეგმას წარუდგენს. პარლამენტის დარგობრივი, ეკონომიკისა და ეკონომიკური პოლიტიკის თავმჯდომარის ზურაბ ტყემალაძის ინფორმაციით, მთავრობა მცირე მენარმეებისთვის საკანონმდებლო ცვლილებების გატარებას არ აპირებს, მაგრამ აქტიურად მუშაობს დარგის ხელშესაწყობა პროექტზე, რომლის ფარგლებშიც ახალი სააგენტოს გახსნა იგეგმება.

„რეზონანსი“

რეკლამა გ. ახვლედიანის ქ. №19.

„საქართველოს რესპუბლიკაში“ 299-62-77; 599 32-85-76.

© კადრი



© ცინცხალი ანეკდოტები

პრიმიტივობა არის მეცნიერება, რომელიც შეისწავლის უიღბლო, დანაშაულის ჩადენისას ჩავარდნილ დამნაშავეებს. იმ მეცნიერებას კი, რომელიც იღბლიან დამნაშავეებს შეისწავლის, პოლიტოლოგია ჰქვია.

— იცო, შენ რაღაცით მეფის ასულ — ბაყაყს მაგონებ, — ეუბნება პეტეა ცოლს. — რა, ისეთივე ლამაზი და იდუმალი ვარ? — არა, ისეთივე



საზიზღარი და ცივი ხარ და მუდამ უდროო დროს ყიფინებ...

აღრე ვთამაშობდი ფეხბურთს, ჩოგბურთს, პოკეის, მაგრამ ყველაფერი დამთავრდა მაშინ, როცა ჩემმა ვაჟმა კომპიუტერი გამოიტეხა...

— მგონებ, ცოლს ჩემთან გაყრა სურს. — რატომ გგონია? — გუშინ სახლში თავისი დაქალი მოიყვანა! — მერე რა? — რა და, ვერც წარმოიდგენ, რა ლამაზი ის დაქალი!

ავტორთა საშუალოდ რედაქციის მიერ შეუყვებათ მასალები დაიბეჭდება ავტორთა ხარჯით. ავტორთა მოსაზრებები, შესაძლოა, მუდამ არ ემთხვეოდეს რედაქციის პოზიციას. ფაქტების სიზუსტეზე პასუხს აგებენ ავტორები.

საქართველოს რესპუბლიკა SAKARTVELOS RESPUBLIKA გ. ახვლედიანის (მთავარი) პერმისიონის ქ. 19 ინფორმაცია 66434

გამომცემლობა: შპს „თბილისი-საქართველო“ რესპუბლიკის გამომცემელი ტ. 599 79-76-79 შპს „ახალი საუკუნე“ იბეჭდება „კოლორში“ (რეკინგის ჩიხი, № 20)

uac(უაქ)070.4(479.22) ს-323 ISSN 2233-3851 9 772233 1385001

მთავარი რედაქტორი ალექს ალანოვიჩი 299-62-77; 599 56-81-86

პასუხისმგებელი რედაქტორები: გურამ გომიგაშვილი 599 53-76-16; რუსლან რუსია 599 17-21-21; საბრატაძე ქოშულია 599 36-00-35 პასუხისმგებელი მდივანი მამუკა გავაშვილი 514 33-33-24